

佩文齋書譜

書家傳  
黃帝至隋

卷廿三  
尚書

C. T. LOO & CO.  
41 EAST 57th STREET  
NEW YORK, N. Y.

NO. 513

HGT. \_\_\_\_\_

LENG. \_\_\_\_\_





Digitized by the Internet Archive  
in 2016

NK  
3634  
.A2  
Q243  
1920  
v.8



佩文齋書畫譜目錄

第二十二卷

書家傳一

黃帝時人

倉頡

夏

務光

周

史佚

老子

蘇秦

秦

李斯

王次仲

漢

蕭何

董謁

沮誦

孔甲

史籀

嫫氏

孔子

孔子弟子申

魯二史

張儀

屈原

魯秋胡妻

程邈

胡毋敬

趙高

盧縮

叔孫通

司馬相如

董仲舒

孔安國

李陵

劉耽

張安世

張彭祖

路温舒

嚴延年

史游

李長

張敞

杜鄴

王尊

劉向

谷永

孔光

爰禮

秦近

揚雄

劉棻

甄豐

陳遵

馮燎

後漢

杜林

衛宏

曹喜

杜度

班固

班超

徐幹

賈逵

賈魴

李邵

王溥

崔瑗

崔寔

許慎

尹珍

張芝

張昶

朱賜

羅暉

趙襲

姜詡

梁宣

田彥和

蘇班

蔡邕

堂谿典

楊賜

馬日磾

張馴

韓說

單颺

趙陔

劉弘

張文

蘇陵

傅楨

左立

孫表

劉陶

劉讓

仇子長

張普

張景

劉德升

張超

師宜官

梁鵠

毛弘

左伯

荀爽

朱登

徐安于

唐終

郭伯道

王綺

王瞻

羅盼

劉慄

曹壽

仇靖

王曜

李巡

李譜文

陰長生

王方平

攝摩騰

皇甫規妻

蔡琰

魏

鍾繇

孫子荆

關杞杞

鍾會

鍾毅

宋翼

胡昭

邯鄲淳

衛臻

衛覲

韋誕

韋康

韋熊

蘇林

張揖

劉廙

虞松

應璩

杜畿

杜恕

諸葛誕

夏侯玄

張緝

王明山

江偉

陳翕

韋秀

鍾輿

吳

張昭

張紘

皇象

陳梁甫

劉纂

岑伯然

朱季平

賀邵



蘇建

朱育

諸葛融

張弘

沈友

釋支謙

康僧會

蜀漢

諸葛亮

諸葛瞻

許靖

劉敏

張飛

來敏

譙周

第二十三卷

書家傳二

晉

衛瓘

衛恒

衛宣

衛庭

衛瓘

衛玠

何曾

荀勗

和嶠

羊祜

杜預

張華

索靖

王渾

王濟

傅玄

山濤

王戎

王衍

樂廣

嵇康

阮籍

阮咸

劉伶

左思

陸機

陸雲

張翰

牽秀

裴邈

劉琨

劉輿

王育

王裒

盧志

辛謚

傅玉

陳暢

楊肇

楊潭

楊經

羊忱

江瓊

江統

蔡克

朱誕

皇甫定

辛曠

王導

王恬

王洽

王劭

王蒼

王珣

王珉

王廞

王敦

王邃

劉超

顧榮

戴若思

孔侃

孔愉

陸玩

卞壺

郗鑒

郗愔

郗曇

郗超

郗儉之

郗恢

何充

熊遠

應詹

陶侃

郭璞

葛洪

王隱

羊固

張興

庾亮

庾懌

庾冰

庾翼

庾準

范汪

范甯

王允之

丁潭

李充

李式

李廞

荀興

王廙

王曠

王羲之

王玄之

王凝之

王徽之

王操之

王渙之

王獻之

王淳之

王羲之代書人

張翼

許靜民

許靜

謝尚

謝奕

謝安

謝萬

任靖

張嘉

張澄

張彭祖

孫綽

王彬之

許邁

劉惔

王濛

王修

溫放之

王述

王坦之

王綏

康昕

劉瓌之

韋昶

曹茂之

李志

桓溫

桓玄

殷仲堪

諸葛長民

盧循

習鑿齒

江灌

袁山松

顧愷之

郭荷

謝敷

謝靜

戴逵

呂忱

劉訥

劉劭

柳詳

陳達

劉恢

岑淵

張越

韋弘

韋季

沈嘉

劉璞

劉廐

謝藻

宋珽

謝璠伯

張野

向泰

費元瑤

張炳

虞安吉

謝發

李韞

陳基

傅廷堅

張紹

陰光

曹任

宋嘉



孔閭

辟閭訓

張熾

周仁皓

滿爽

裴興

徐令文

楊義

許穆

許巖

南嶽魏夫人

識道人

岳道人

法高道人

衛夫人

邨夫人

謝夫人

傅夫人

荀夫人

汪夫人

荀夫人

蔡夫人

李氏

趙

崔悅

盧謀

燕

盧偃

盧邈

崔潛

第二十四卷

書家傳三

宋

劉穆之

朱齡石

朱超石

王弘

王曇首

王微

徐羨之

徐湛之

傅隆

王裕之

裴松之

宗少文

戴顓

謝靈運

謝方明

謝惠連



謝綜

羊欣

孔琳之

蕭思話

范曄

薄紹之

丘道護

賀道力

顏騰之

顏炳之

張裕

張永

謝晦

謝莊

顏延之

顏竣

孟覲

張暢

陶隆

陶貞實

江僧安

垣護之

徐爰

徐希秀

巢尚之

孫奉伯

虞穌

戴延壽

王道迄

王道隆

褚欣遠

王愔

王思立

駱簡

龐秀之

王藻

史稜

羊諮

山胤

孔琳之妻

王僧虔

王慈

王儉

王僧祐

王晏

王融

褚淵

褚賁

徐孝嗣

劉擣

顧寶先

胡諧之

張融

蕭惠基

劉休

紀僧真

紀僧猛

劉係宗

謝朓

周顥

張欣泰

崔偃

劉繪

劉瑱

宗測

沈麟士

徐伯珍

兒珪之

張大隱

蘭靜文

庾景休

褚元明

陸彥遠

韓蘭英

梁

沈約

江淹

任昉

徐勉

到沆

陸杲

陸倕

蕭子雲

蕭特

陶弘景

阮研

傅昭

江蒨

江祿

袁峻

劉孝綽

王僧孺

王籍

王志

王彬

王騫

王泰

王筠

王規

柳惲

紀少瑜

朱异

徐僧權

庾黔婁

庾肩吾

殷鈞

殷鐵石

孔敬通

蕭幾

蕭賁

蕭駿

蕭挹

顏協

范懷約

王琛

韋仲

謝善勛

庾詵

張孝秀

劉慧斐

庾元威

王克

許璠

貝義淵

劉靈

程曠平

李巖之

C. T. LOO & CO.  
41 EAST 57th STREET,  
NEW YORK, N. Y.

佩文韻府

卷二十四

五

顏倩

斛斯彥明

吳休尚

施方泰

王崇素

丁規

王僧恕

陳則

滿騫

唐懷充

沈熾文

姚懷珍

范胤祖

陳廷祖

楊法象

丁道矜

孫文韜

陳宣懋

杜道士

釋寶誌

陳

蔡景歷

徐陵

周弘讓

侯安都

趙知禮

孫瑒

顧野王

謝嘏

庾持

張正見

張克見

蕭乾

蕭引

顧越

陸繕

沈君理

毛喜

江總

蔡凝

謝貞

鄭仁

伏知道

賀朗

丁初

蔡聖

王公幹

釋洪偃

釋智永

智楷

第二十五卷

書家傳四

魏

崔宏

崔浩

崔簡

崔衡

崔光

崔高客

崔亮

張黎

谷渾

沈含馨

盧魯元

黎廣

江強

江式

江順和

屈恒

高遵

盧伯源

崔挺

游明根

劉芳

劉懋

郭祚

沈法會

李思穆

柳僧習

夏侯道遷

庾道

王世弼

王由

蔣少游

李苗

曹世表

裴敬憲

呂溫

沈嵩

竇遵

柳楷

孫伯禮

劉仁之

宇文忠之

沈馥

李思弼

釋摩羅

釋菩提流支

李氏

李彪女

北齊

杜弼

李鉉

張景仁

姚元標

韓毅

袁買奴

李超

李繪

趙彥深

劉逖

崔季舒

蕭慨

源楷

賈德胄

顏之推

劉珉



劉玄平

李元護

元行恭

殷英童

姚淑

王思誠

釋仙

釋道常

魏夫人

周

冀雋

趙文深

黎景熙

沈遐

泉元禮

王褒

庾信

蕭撝

薛温

薛慎

柳弘

裴漢

單于斯彥

隋

楊素

虞世基

虞綽

盧昌衡

薛道衡

趙孝逸

趙仲將

劉顛

房彥謙

蔡徵

袁憲

閻毗

蔡君知

竇慶

竇璡

殷胄

丁道護

丁道真

史陵

梁恭之

龐夔

韋霈

杜頽

到曼才

侯孝真

魏瑗

賀混

吳少常

釋智果

釋述

釋特

釋敬脫

釋知苑

佩文齋書畫譜卷第二十二

書家傳一

黃帝時人

倉頡 倉一

倉頡

西溪叢語云姓侯剛氏禪通紀云居陽武而葬利陽

黃帝史也

珍珠船曰按春秋元命苞云倉帝史皇氏河圖玉版云倉頡為帝是皆謂倉頡為帝也帝王世紀云黃帝史官倉頡說文云黃帝之史倉

頡是皆謂倉頡為史官也

頡首四目通於神明仰觀奎星負曲之勢俯察龜文鳥跡之象博采衆

美合而為字是曰古文

張懷瓘書斷

倉頡之作書也自環者謂之私背私謂之公

韓非子

倉頡作書而天雨粟鬼夜哭

淮南鴻烈解

倉頡藏書臺有碑文二十八字

通雅云倉頡之跡止傳藏書臺墓石

李斯識八字云上天作命皇辟迭王

任昉述異記

沮誦

沮誦

黃帝史黃帝創制沮誦倉頡始作書契以代結繩

衛恒四體書勢

黃帝時有大鳥銜圖體備五色三文成字首文曰慎德背文曰信義膺文曰仁智有臣沮誦亦作頡倉頡觀鳥跡以作文字此文字之始也

雲笈七籤

孔甲

孔甲黃帝史作盤玉孟二十九篇書盤玉孟中所以為法戒也

漢書注

夏

務光

務光者夏時人也耳長七寸好琴服蒲韭根後遊尚父山

劉向列仙傳

務光隱於清泠之陂植薤而食清風時至見其葉交偃為倒薤書以寫太上紫真

經三卷唐玄度十體書

周

史佚

史佚

周文王史作虎書有虎不害人名騶虞因茲始也

韋續墨藪

史籀

史籀周宣王時為史官

庾元威曰柱下史

善書師模倉頡古文損益而廣之或同或異謂之

為篆亦曰史書書斷

史籀十五篇注周宣王太史作大篆十五篇

漢書藝文志

史籀六字見法帖

王應麟玉海

媒氏

媒氏作墳書魏韋誕用題官闕王廙王隱皆好之

墨藪

宋司馬

陶宗儀作宋司馬子章按史記宋世家有司馬子章無司馬子章宗儀誤也

宋司馬以熒惑退舍作轉宿篆象蓮花未開形也

墨藪



老子

老子者楚苦縣厲鄉曲仁里人也姓李氏名耳字伯陽諡曰聃周守藏室之史也見周之衰遂去至關關令尹喜曰子將隱矣彊為我著書於是老子乃著上下篇言道德之意五千餘言而去莫知其所終史記列傳

周瀨鄉石室中有老子篆書道德經後蔡邕以隸字證之

釋適之金壺記

孔子

孔子題季札墓十字

吾衍學古編云檢古帖止云嗚呼有吳君子而已篆法數古似乎可信今長增延陵之墓四字除之字外三字是漢人方篆不與前六字合

在潤州

鄭樵

金石略

延陵季子墓字今入淳化官帖中其字如書簡牘不類豐碑石柱上所刻也書亦少異於籀文唐人於季子墓刻此十字張從申書其後籀字極大李陽冰初學嶧山碑後見仲尼書季札墓字便變化開合如虎如龍是陽冰所從得法也董道廣川

書跋

比干墓在汲縣西北十五里墓前有殷比干墓四字世以為孔子書體勢與周穆王吉日癸巳類先聖所篆比干墓銅盤銘文曰左林右泉後國前道萬世之寧茲焉是實開元中為耕者游武之奇所得

不傳矣郎瑛七修類葉

孔子弟子申

孔子弟子申魯哀公十三年西狩獲麟為素王紀瑞制麒麟書

墨數

魯二史

宓子賤為單父宰請君之近史二人與俱至官令二史書方書輒掣其肘書不善則從而怒之家語

蘇秦 張儀

蘇秦張儀二人同志傭力寫書行遇墳典無所題記則以墨書字於掌內及股間夜還折竹寫之王子年拾遺記

屈原

屈原名平楚之同姓也為楚懷王左徒王使造為憲令屈平屬草藁未定上官見而欲奪之史記列傳

草聖始自楚屈原蔡希綜法書論

魯秋胡妻

雕蟲篆墨數作蟲書魯秋胡妻所作秋胡隨牒遠任荏冉三年桑時閒翫集為此書亦云戰筆書其體道律垂畫纖長旋繞屈曲有若蟲形僧夢英十八體書

秦

李斯

李斯學古餘錄云字通古楚上蔡人也從荀卿學成西入秦始皇并天下以斯為丞相史記列傳尚方大篆字皆古體莫測其文斯遂刪其繁冗取其合宜參為小篆後刻諸名山

碑篆玉璽銅人等斯之下筆趙高以下咸見伏焉斯書聖功紀石云吾後九百四

十年間當有一人代吾迹焉蒙恬筆經

倉頡篇上七章考工記注倉頡篇有鞞莞疏云倉頡有七章李斯所作鞞莞是其一篇江式云造倉頡九章秦丞相李斯作漢書藝文志

秦始皇登於嶧山之上命丞相李斯以大篆勒銘山嶺名曰畫門鄺道元水經注

細篆書李斯摹寫始皇碑序皆用此體亦曰繆篆仙人篆古之所有李斯善辨古

文改為篆形墨五數

秦璽李斯魚蟲篆王洽

始皇并六國斯乃奏罷不合秦文者於是天下行之畫如鐵石字若飛動作楷隸

之祖為不易之法其銘題鍾鼎及作符印至今用焉書斷

### 程邈

程邈字元岑下邳人始為衙縣獄吏得臯始皇幽繫雲陽獄中覃思十年益大

小篆方負而為隸書三千字奏之始皇善之用為御史用其字以為隸人佐書故

曰隸書書斷

尚方大篆程邈所述後人飾之以為法焉墨數

篆書始皇使程邈所作也隸書亦程邈所獻漢書藝文志注

### 胡母敬

胡母敬本櫟陽獄吏為太史令博識古今文字與程邈李斯省改大篆書斷



史籀篇博學七章者太史令胡毋敬所作也 漢書藝文志

趙高

趙高始皇時為中車府令兼行符璽令事二世以為郎中令後拜為中丞相 史記李

斯列傳

史籀篇爰歷六章車府令趙高所作也 漢書藝文志

高善史書教始皇少子胡亥書 書斷

刻符書鳥頭雲脚李斯趙高並善之用題印璽 墨數

王次仲

王次仲上谷人少有異志年及弱冠變倉頡舊文為今隸書秦始皇時官務繁多

以次仲文簡便於事要奇而名之三徵而輒不至始皇怒其不恭令檻車送之於

道上化為大鳥出在車外翻然而去落二翻於斯山故其峰巒有大翻小翻之名

矣 水經注 張懷瓘曰王愷云次仲建初中以隸草作楷法蕭子良云靈帝時王次仲飾隸為八分二家俱言後漢而兩帝不同或云後漢亦有王大仲為上谷太守非上谷人陶宗儀曰次仲與程邈同時增廣隸書為八分或云東漢末人又云有二王次仲皆非也

王次仲以楷字法局促遂引而伸之為八字之分故號八分 金堂記

漢

蕭何

蕭何沛人也漢五年封鄼侯後拜為相國謚文終侯 漢書本傳

蕭何深善筆理嘗與張子房陳隱等論用筆之道何為前殿覃思三月以題其額

觀者如流水何便用秃筆

金壺記云蕭何用退筆書囊尤工呵善家指時人謂之蕭筆

常自為之

羊欣筆陣圖

漢興蕭何草律著法曰太史試學童能諷九千字以上乃得為史又以六體試之課最者以為尚書御史史書令史吏民上書字或不正輒舉劾

漢書藝文志

### 盧綰

盧綰豐人也與高祖同里綰親與高祖太上皇相愛高祖綰壯學書又相愛也封

為長安侯立為燕王

漢書本傳

### 叔孫通

叔孫通薛人也秦時博士高帝九年為太子太傅孝惠即位徙奉常

漢書本傳

倉頡墓碑文周時莫識李斯識八字至漢叔孫通識十二字

述異記

滕公駕至東都門馬鳴蹶不肯前以足跑地滕公掘地入三尺得石郭有銘焉乃

以水洗其文文字皆古異左右莫能知以問叔孫通通曰科斗書也以今文寫之

葛洪西京雜記

### 司馬相如

司馬相如字長卿蜀郡成都人也好讀書學擊劍名犬子慕藺相如之為人也更名相如上讀子虛賦而善之令尚書給筆札奏上林賦天子以為郎後拜孝文園

令 漢書本傳

司馬相如作凡將篇漢書藝文志

氣候時書漢文帝令蜀郡司馬長卿採日辰禽屈伸之體升伏之勢象四時為書墨

董謁

董謁字仲立武都郁邑人也家去京師三百里或乘牛驢或躡履不日而至常息人家於座以筆題掌還家以竹籜寫之書竟則舐掌中世謂之董仲立掌錄謁常遊山澤負挾圖書患其繁重家貧拾樹葉以代書簡易卷懷也郭憲洞冥記

董仲舒

董仲舒廣川人也為江都相中廢為中大夫遼東高廟長陵高園殿災仲舒推說其意草藁未上主父偃竊其書奏焉漢書本傳

藁書行草之文也董仲舒欲言災異主父偃竊而奏之墨數

孔安國

孔安國魯人孔氏有古文尚書安國以今文字讀之因以起其家為諫大夫漢書本傳

孔子舊宅壁中所藏古文皆科斗文字時人無能知者定其可知者為隸古定陸游老學

庵筆記云隸為隸書古為科斗前一簡作科斗後一簡作隸書釋之更以竹簡寫之孔安國尚書序

李陵

李陵字少卿廣孫隴西成紀人也拜為騎都尉至浚稽山與單于戰兵敗遂降漢書



本傳

馬駿山望鄉嶺楊慎法帖神品目云在略密嶺上石龕有李陵題字宋史高昌國傳

劉耽

劉耽書曰梁碑字為小篆耽於傳無聞据碑言皇帝登封之歲蓋秦漢間人也羅必

按秦皇漢武皆登封今附武帝之末

張安世

張安世字子孺少以父任為郎用善書給事尚書宣帝立拜為大司馬車騎將軍領尚書事更為衛將軍謚敬侯漢書本傳

張彭祖

張彭祖安世子也安世兄賀無子子安世小男彭祖彭祖少與上同席研書上追思賀恩封彭祖為陽都侯漢書張安世傳

漢張彭祖行草品上之下韋續九品書人論

路溫舒

路溫舒字長君鉅鹿東里人也父為里監門使溫舒牧羊溫舒取澤中蒲截以為牒編用寫書稍習善又受春秋通大義至臨淮太守漢書本傳

嚴延年

嚴延年字次卿東海下邳人也為河南太守為人短小精悍敏捷於事尤巧為獄



文善史書奏成手中奄忽如神

漢書酷吏傳

史游

史游漢元帝時黃門令作急就章解散隸體麤書之

王愔文字志

存字之梗槩損隸之規矩縱任奔逸赴俗急就因草創之義謂之草書後世謂之

章草

書斷

李長

李長成帝時將作大匠作元尚篇倉頡中正字也

漢書藝文志

張敞

張敞字子高本河東平陽人也祖父徙茂陵守京兆尹復拜冀州刺史太原太守

漢書本傳

倉頡多古字俗師失其讀宣帝時徵齊人能正讀者張敞從受之

漢書藝文志

美陽得鼎獻之有司議以為宜薦見宗廟如元鼎時故事張敞好古文字按鼎銘

勒而上議云此鼎細小又有款識不宜薦見宗廟

漢書郊祀志

張敞善書見王愔文字志

法書要錄

杜鄴

杜鄴字子夏本魏郡繁陽人也武帝時徙茂陵官為涼州刺史

漢書本傳

鄴工古文

書斷

王尊

王尊字子贛涿郡高陽人也少孤歸諸父使牧羊澤中尊竊學問能史書守京兆尹三歲免復遷東郡太守秩中二千石卒官

漢書本傳

劉向

劉向字子政本名更生年十二以父德任為輦郎既冠以行修飭擢為諫大夫元帝初為散騎宗正給事中成帝即位更名向為中郎使領護三輔都水遷光祿

大夫

漢書本傳

劉子政校中秘書自史籀以下凡十家序為小學次於六藝之末

洪邁容齋隨筆

劉向博極羣書尤工字畫

陶宗儀書史會要

谷永

谷永字子雲長安人也博學經書數上疏言得失至大司農

漢書本傳

樓護與谷永俱為五侯上客長安號曰谷子雲筆札樓君卿脣舌

漢書游俠傳

孔光

孔光字子夏孔子十四世孫也為御史大夫丞相各再壹為大司徒太傅太師歷

三世前後十七年封博山侯謚簡烈侯

漢書本傳

孔光經行著修書法古雅

書史會要

爰禮



爰禮沛人孝平時徵禮等百餘人令說文字未央廷中以禮為小學元士

許慎說文

爰禮善書見王愔文字志

張彥遠法書要錄

秦近

秦近講學大夫通倉頡讀能言之

許慎說文序

揚雄

揚雄字子雲蜀郡成都人也年四十餘游京師奏賦除為郎給事黃門三世不徙官莽世轉為大夫作奇字嗜酒好事者載酒肴從遊學

漢書本傳

元始中徵天下通小學者以百數各令記字於庭中揚雄取其有用者以作訓纂

篇順續倉頡又易倉頡中重複之字凡八十九章

漢書藝文志

雄為郎詔令尚書賜筆墨錢六萬觀書石渠天下上計孝廉及內郡衛率會者雄

常把三寸弱翰齋油素四尺以問其異語歸即以鉛摘次之於輒

揚子雲集

劉棻

劉棻國師公敬子也王莽時侍中封隆威侯

漢書王莽傳

棻嘗從雄學作奇字

漢書揚雄傳

甄豐

甄豐元始中封廣陽侯為少傅授四輔職

漢書王莽傳

王尊

王尊字子贛涿郡高陽人也少孤歸諸父使牧羊澤中尊竊學問能史書守京北尹三歲免復遷東郡太守秩中二千石卒官

漢書本傳

劉向

劉向字子政本名更生年十二以父德任為輦郎既冠以行修飭擢為諫大夫元帝初為散騎宗正給事中成帝即位更名向為中郎使領護三輔都水遷光祿

大夫

漢書本傳

劉子政校中秘書自史籀以下凡十家序為小學次於六藝之末

洪邁容齋隨筆

劉向博極羣書尤工字畫

陶宗儀書史會要

谷永

谷永字子雲長安人也博學經書數上疏言得失至大司農

漢書本傳

樓護與谷永俱為五侯上客長安號曰谷子雲筆札樓君卿唇舌

漢書游俠傳

孔光

孔光字子夏孔子十四世孫也為御史大夫丞相各再壹為大司徒太傅太師歷

三世前後十七年封博山侯謚簡烈侯

漢書本傳

孔光經行著修書法古雅

書史會要

爰禮



爰禮沛人孝平時徵禮等百餘人令說文字未央廷中以禮為小學元士許慎說文序

爰禮善書見王愔文字志張彥遠法書要錄

秦近

秦近講學大夫通倉頡讀能言之許慎說文序

揚雄

揚雄字子雲蜀郡成都人也年四十餘游京師奏賦除為郎給事黃門三世不徙官莽世轉為大夫作奇字嗜酒好事者載酒肴從遊學漢書本傳

元始中徵天下通小學者以百數各令記字於庭中揚雄取其有用者以作訓纂篇順續倉頡又易倉頡中重複之字凡八十九章漢書藝文志

雄為郎詔令尚書賜筆墨錢六萬觀書石渠天下上計孝廉及內郡衛率會者雄常把三寸弱翰齋油素四尺以問其異語歸即以鉛摘次之於槧揚子雲集

劉棻

劉棻國師公歆子也王莽時侍中封隆威侯漢書王莽傳

棻嘗從雄學作奇字漢書揚雄傳

甄豐

甄豐元始中封廣陽侯為少傅授四輔職漢書王莽傳

章草

法書要錄

杜伯度章草時稱聖字

金壺記

班固

班固字孟堅扶風安陵人也顯宗名詣校書部除蘭臺令史後遷玄武司馬

後漢書

本傳

揚雄作訓纂篇臣復續揚雄作十三章無復字六藝羣書所載略備矣韋昭注曰

臣班固自謂也作十三章後人不別疑在倉頡下篇三十四章中

漢書藝文志

固工篆李斯曹喜之法悉能究之

書斷

班超

班超字仲升扶風平陵人彪之少子也永平五年兄固被名詣校書郎超與母隨

至洛陽家貧為官傭書以供養久勞苦常輟業投筆歎曰大丈夫當效傅介子張

騫立功異域以取封侯安能久事筆研間乎久之顯宗問固卿弟安在固對為官

寫書受直以養母帝乃除超為蘭臺令史後使西域立功為都護封定遠侯

後漢書

本傳

徐幹

徐幹字伯章扶風平陵人為班超軍司馬善章草班固與弟超書曰得伯章書藁

勢殊工知識讀之莫不歎息實亦藝由已立名自人成

班蘭臺集

賈逵

賈逵字景伯扶風平陵人也永平中有神雀集明帝勅蘭臺給筆札使作頌拜為郎與班固並授祕書永元八年為侍中領騎都尉後漢書本傳

賈逵和帝時修理倉頡舊史書史會要

賈魴

賈魴和帝時郎中撰滂喜篇以倉頡為上篇訓纂為中篇滂喜為下篇所謂三倉也皆用隸字寫之隸法由茲遂廣書譜

李郃

李郃字孟節漢中南鄭人也郃游大學通五經官至司徒封涉都侯後漢書本傳

李郃游學京師常賃書自給李郃別傳

王溥

王溥琅邪人王吉之後安帝時家貧不得仕乃挾竹簡插筆於洛陽市傭書美於形貌又多文辭來僦其書者丈夫贈其衣冠婦人遺其珠玉一日之中衣寶盈車而歸積粟於廩洛陽稱為善筆而得富後以一億輸官得中壘校尉拾遺記

崔瑗

崔瑗字子玉涿郡安平人駟之中子也早孤好學能傳其父業諸儒宗之舉茂才

後遷濟北相著草書勢後漢書本傳



瑗善章草師於杜度點畫之間莫不調暢王隱謂之草賢又妙小篆有張平子碑

崔瑗撰飛龍篇合篆草勢三卷 唐書藝文志

崔寔

崔寔字子真一名台字元始瑗之子也桓帝初舉至孝獨行後為五原太守召拜

尚書 後漢書本傳

崔寔章草雅有父風張茂先甚稱之 書斷

許慎

許慎字叔重汝南召陵人也少博學時語曰五經無雙許叔重為郡功曹舉孝廉

再遷除涑長作說文解字十四篇 後漢書本傳

許慎少好古學書正文字尤善小篆師模李斯甚得其妙 書斷

尹珍

尹珍 華陽國志字道真母敘縣人也牂牁郡人桓帝時自以生於荒裔不知禮義乃從汝南許慎授經

書圖緯學成還鄉里教授於是南域始有學焉珍官至荊州刺史 後漢書南蠻傳

尹珍善書見王愔文字志 法書要錄

張芝

張芝字伯英燉煌酒泉人徙屬弘農華陰芝及弟昶並善草書至今稱傳之 後漢書

張奐傳

伯英家之衣帛必書而練臨池學書池水盡黑下筆必為楷則號恩恩不暇草書

寸紙不見遺至今世尤寶其書韋仲將謂之草聖

衛恒四體書勢

張芝學崔杜之法因而變之以成今草書之體勢一筆而成氣脈通聯隔行不斷

謂之一筆書

張彥遠歷代名畫記

伯英行書則二王之亞也又善隸書

書斷

張芝始作一筆飛白書

庾元威論書

芝見蔡邕作筆勢遂作筆心論五篇

書勢傳

張昶

張昶字文舒善草書

後漢書張奐傳

文舒伯英季弟為黃門侍郎尤善草書類伯英時人謂之亞聖極工八分又善

隸書斷

華嶽廟祠堂碑文漢給事黃門張昶造昶自書之元帝又刊其二十餘字二書有

重名傳於海內

水經注

朱賜

朱賜杜陵人官太僕時稱工書

書斷

羅暉

羅暉字叔景京兆杜陵人官至羽林監善草著聞三輔

書斷

杜度妙於章草崔瑗崔寔父子繼能羅暉趙襲亦法比藝襲與張芝相善芝自云上比崔杜不足下方羅趙有餘

同上

趙襲

趙襲字元嗣京兆長安人爲燉煌太守與羅暉並以能草見重關西

書斷

姜詡 梁宣 田彥和

姜孟穎 王愔文字 志名詡 梁孔達 王愔文字 志名宣 田彥和皆伯英弟子有名於世

衛恒四體書勢

余郡士梁孔達姜孟穎慕張生之草書過於希顏孔焉

趙壹非草書

蘇班

蘇班平陵人也五歲能書爲張伯英所稱賞

書斷

蔡邕

蔡邕字伯喈陳留圉人也少博學建寧中拜郎中校書東觀遷議郎熹平四年奏

求正定六經文字靈帝許之邕乃自書冊

一作冊

於碑

洛陽伽藍記漢國子學堂前有三碑字石經二十五碑表裏刻之作篆科斗隸三種字蔡邕筆

之實蹟也王伯厚云漢石經乃蔡邕八分書

使工鐫刻立於太學門外碑始立觀視及摹寫者車乘日千餘

兩填塞街陌初平元年拜左中郎將封高陽鄉侯著篆勢

後漢書本傳

蔡文姬曰臣父造八分時神授筆法注云邕初入嵩山學書於石室中得素書八

角垂芒寫史籀李斯用筆勢讀誦三年遂通其理常居一室不寐恍然一客厥狀



甚異授以九勢蔡邕石室神授筆勢

蔡邕采斯喜之法為古今雜形備恒四體書勢

蔡邕作聖皇篇成詣鴻都門上時方修飾鴻都門邕見役人以聖帚成字心有悅

馬歸而為飛白之書書斷

熹平四年邕與五官中郎將堂谿典光祿大夫楊賜諫議大夫馬日磾議郎張馴

水經注韓說太史令單颺等正定六經文字後漢書蔡邕傳

堂谿典見上蔡邕傳

堂谿典字子度潁川人為西鄂長後漢書蔡邕傳注

典有嵩高石闕銘云中郎將堂谿典伯并先賢行狀云典字子度延篤傳注又作季度此云字伯并當以碑為正熹平四年來

請雨嵩高廟趙明誠金石錄

楊賜見上蔡邕傳

楊賜字伯獻震之孫弘農華陰人也熹平二年拜光祿大夫封臨晉侯為司空謚

文烈侯後漢書本傳

馬日磾見上蔡邕傳

馬日磾字翁叔扶風人馬融之族子少傳融業以才學進與楊彪盧植蔡邕等典校中

書歷位九卿遂登三輔趙岐三輔決錄

張馴

張馴字子儻濟陰定陶人也少遊太學拜議郎與蔡邕共定六經文字擢拜侍中  
光和七年遷大司農後漢書本傳

韓說見上蔡邕傳

韓說字叔儒會稽山陰人也博通五經尤善圖緯之學與蔡邕友善遷侍中後漢

書本傳

單颺見上蔡邕傳

單颺字武宣山陽湖陸人也善明天官算術稍遷太史令後拜尚書令後漢書本傳

趙陔 劉弘 張文 蘇陵 傅楨 左立 孫表

史稱蔡邕自書丹使工鐫刻今所存諸經字體各不同雖邕能分善隸兼備篆體  
但文字之多恐非一人可辨史云邕與堂谿典等正定諸經別有趙陔劉弘張文

蘇陵傅楨東觀餘論云石經有版公羊其末云臣趙陔議郎臣劉弘郎中臣張文臣蘇陵臣傅楨左立孫表東觀餘論云論語之末題曰詒書與博士臣左立郎中臣孫表數人竊

意其間必有同時揮豪者洪适隸釋

劉陶

劉陶字子奇一名偉潁川潁陰人濟北貞王勃之後陶明尚書訓詁古文是正  
文字三百餘事名曰中文尚書靈帝時拜諫議大夫後漢書本傳

陶亦工古文書斷

劉讓

劉讓所題十六字相傳云在蜀中閣道建寧者靈帝年號隸釋

仇子長

仇子長靈帝時人析里橋郝閣頌建寧五年仇子長書名天下第一碑錄

張普

張普靈帝時人米巫祭酒張普題字熹平二年立在嘉州墨寶云洪雅磨崖復齋碑目

作張普施天師道法記婁機漢隸字原

張景

張景靈帝時人太守張景題字光和六年立在高朕石室梁上漢隸字原

劉德升

劉德升一作昇字君嗣潁川人桓靈之時以造行書擅名書斷

德升小變楷法謂之行書兼真謂之真行帶草謂之草行陸深書輯

德升造瓔珞篆因夜象觀星宿而為此法夢英十八體書

張超

張超字子並河間鄭人有文才靈帝時從征為別部司馬超善於草書妙絕時人

世共傳之後漢書本傳

超工章草字勢甚峻吳人以皇象方之書斷

師宜官



師宜官南陽人靈帝好書徵天下工書者於鴻都門至數百人八分稱宜官為最大則一字徑丈小乃方寸千言甚矜其能性嗜酒或時空至酒家書其壁以售之觀者雲集酤酒多售則鏟去之後為表術將鉅鹿耿球碑術所立是宜官書

書斷

梁鵠

梁鵠字孟皇安定烏氏人以善八分知名舉孝廉為郎靈帝重之亦在鴻都門下

遷幽州刺史

書斷

師宜官每書輒削而焚其柎梁鵠乃益為版而飲之酒候其醉而竊其柎鵠卒以書至選部尚書鵠奔劉表魏武帝破荊州募求鵠署軍假司馬在祕書以勤書自効武帝懸著帳中及以釘壁玩之以為勝宜官今宮殿題署多是鵠書

衛恒四體書勢

鵠法師宜官師善小字梁善大字

金壺記

毛弘

毛弘字大雅河南武陽人服膺梁鵠研精八分亦成一家法獻帝時為郎中教於

祕書

書斷

弘善古文隸書章草

書史會要

左伯

左伯字子邑

一作邑

東萊人特工八分與毛弘等列亦擅名漢末又甚能作紙漢興有

紙代簡和帝時蔡倫工為之子邑尤得其妙

蕭子良集

漢末左子邑小與淳鵠不同然亦有名衛恒四體書勢

荀爽

荀爽字慈明一名諲潁川潁陰人淑之第六子也幼而好學年十二能通春秋論

語潁川為之語曰荀氏八龍慈明無雙延熹九年舉拜郎中獻帝時進拜司空後

漢書本傳

荀爽善書翰書史會要

朱登

朱登字仲條善隸建寧中嘗書衛當作府君碑書史會要後漢衛尉衡方碑集古錄墨池編皆不載撰書人名惟金薤琳瑯碑尾有門生平原樂陵朱登字

仲下

徐安于

徐安于一作韋續云後漢東陽公徐安于搜諸史籀得十二時書皆象神形也墨藪

唐終

唐終王愔文字志作綜金壺記作晉唐宗魯人當漢魏之際夢蛇繞身寤而作蛇書墨藪

郭伯道一作

郭伯道品中之上論曰伯道里居一本作朝廷遠討一本其迹庚肩吾書品

王綺

王綺正隸草品上之上韋續九品書人論

王瞻

王瞻善草書書史會要

金張天錫集古名家草書一帖曰草書韻會其所取漢諸家中有王瞻楊慎聖池環錄

羅盼一作盼

羅盼善行書書史會要

劉慄

劉慄隸書巴郡太守繁敏碑書史會要按金石錄有漢巴郡太守繁敏碑不著書人姓名

曹壽

曹壽見王愔文字志急就章一卷曹壽解唐書藝文志

仇靖

仇靖未詳何時人宋婁機云武都丞呂國以下題名在成州天井碑側仇靖書文漢隸字源

王曜

王曜未詳何時人宋洪适云石經字體不同公羊詩書又在論語上劉寬碑陰王曜題名

則公羊詩書之鴈行也識者當能別之隸釋

李巡

李巡汝陽人靈帝時巡以諸博士有行賂定蘭臺漆書經字以合其私文者乃白帝

與諸儒共刻五經文於石後漢書宦者呂強傳

同文圖書館印



李巡善書見王愔文字志

法書要錄

李譜文

牧土上師李譜文老君之玄孫昔居代郡桑乾以漢武之世得道為牧土宮主領治三十六土人鬼之政天中三真太文錄凡六十餘卷號曰錄圖真經又銷練金丹雲英八石玉漿之法皆有訣要上師李君手筆有數篇其餘皆正真書曹趙道覆所書古文鳥跡篆隸雜體辭約義辨婉而成章

魏書釋老志

陰長生

陰長生新野人聞馬明生得度世道執役親勞十餘年不懈明生乃將入青城山中煮黃土為金以示之以太清神丹經授之

雲笈七籤

陰長生裂黃表寫用經一通封以文石之函置嵩山一通黃樞之簡漆書之封以青玉之函置太華山一通黃金之簡刻而書之封以白銀之函置蜀綏山一封緜書合為十篇付弟子使世世當有所傳

神仙傳

王方平

王遠者字方平東海人也至中散大夫博學五經兼明天文圖讖漢桓帝連徵不出通詣京師題宮門扇四百餘字削之外字適去內字復見墨皆徹入材裏

雲笈七籤

鏡

王方平至蔡經家比舍有陳尉詣門求見後數十年方平有書與陳尉真書書字

廓落大而不楷陳尉家世世存錄王君手書

蔡經傳

攝摩騰

四十二章經作迦葉摩騰大藏一覽作摩訶騰

後漢明帝遣郎中蔡愔及秦景使天竺得佛經四十二章并與沙門攝摩騰竺法蘭東還愔之來也以白馬負經因立白馬寺於洛城雍關西以處之其經緘於蘭

臺石室永平中法蘭又譯十住經

隋書經籍志

摩騰出其文四十二章翻為隸書其後稍稍不絕

李肇東林寺經藏碑

### 皇甫規妻

安定皇甫規妻不知何氏女也規初喪室家後更娶之妻善屬文能草書時為規

荅書記眾人怪其工

後漢書列女傳

扶風馬夫人大司農皇甫規之妻也有才學工隸書夫人寡董卓聘之夫人不屈

卓殺之

書斷

### 蔡琰

蔡琰字文姬蔡邕之女也博學有才辨又妙於音律興平中亂沒於南匈奴曹操贖之操因問曰聞夫人家多墳籍猶能憶識之不文姬曰昔亡父賜書四千許卷今所誦憶裁四百餘篇耳操曰今當使十吏就夫人寫之文姬曰男女之別禮不親授乞給紙筆真草唯命於是繕書送之文無遺悞

後漢書列女傳

蔡邕得筆法於神人傳女文姬

古今傳授筆法

蔡琰胡笳引自書十八章極可觀黃山谷集

魏

鍾繇

鍾繇字元常潁川長社人也筆勢傳云許昌人封定陵侯遷太傅謚成侯魏志本傳

繇同胡昭學書十六年未嘗窺戶繇與子會論曰吾精思學書三十年若與人

居畫地廣數步臥畫被穿過表每見萬類皆畫象之金壺記

鍾繇見蔡邕筆法於草誕坐中苦求不與槌胸嘔血太祖以五靈丹救之誕死

繇盜發其冢遂得之虞喜志林

繇書有三體一曰銘石之書謂正書最妙者也二曰章程書謂分傳祕書教小學者也

三曰行狎書謂行書相聞者也三法皆世人所善羊欣能書人名

鍾繇草書衛索之下書斷

孫子荆 關杕杷

孫子荆關杕杷與鍾繇同時繇與太祖邯鄲淳韋誕孫子荆關杕杷議用筆法虞喜志林

鍾會

鍾會字士季繇之少子也少敏慧夙成及壯有才數技藝景元三年為征西將

軍魏志本傳

會善效人書於劔閣要艾章程白事皆易其言又毀文王報書手作以疑之也



鍾會書有父風稍備筋骨兼美行草尤工隸書會嘗詐為荀勗書就勗母鍾夫

人取寶劍書斷

鍾毅

鍾毅會所養兄子也魏志鍾會傳

鍾毅行隸品下之上韋續九品書人論

宋翼

宋翼鍾繇弟子書史會要云常作書如算子繇乃叱之翼三年不敢見晉太康中

有人於許下破鍾繇墓遂得筆勢論翼乃讀之依此法學名遂大振王羲之題筆陣

圖後

胡昭

胡昭字孔明潁川人養志不仕避地冀州辭袁紹之命太祖頻加禮辟既至求

去居陸渾山中以經籍自娛昭善史書與鍾繇邯鄲淳衛覬韋誕並有名尺牘

之蹟動見模楷焉魏志管寧傳

衛恒云昭與鍾繇並師於劉德升俱善草行而胡肥鍾瘦張華云胡昭善隸書

書斷

邯鄲淳

邯鄲淳一名竺字子叔一作子禮潁川人一作陳留人博學有才章又善蒼雅蟲篆許氏字

指初平時從三輔客荊州太祖甚敬異之黃初初以淳為博士給事中魏志王粲傳注

淳八體悉工師於曹喜尤精古文大篆八分隸書自杜林衛密當作宏以來古文泯絕

由淳復著書斷

淳以書教諸皇子又建三字石經於漢碑之西其文蔚煥三體復宣拔之說文篆

隸大同而古字小異江式論書表

衛臻

衛臻字公振陳留襄邑人也始為漢黃門侍郎後為魏司徒爵長垣侯追贈太尉

謚敬侯魏志本傳

張懷瓘云王濛隸章草衛臻陶侃亞也書斷

寶泉云或仰則鍾繇或平視衛臻述書賦

衛覲

衛覲字伯儒河東安邑人也少夙成以才學稱太祖辟為司空掾屬魏國既建拜

侍中徙尚書明帝即位進封閭鄉侯謚敬侯好古文鳥篆隸草無所不善魏志本傳

古文者傳出於邯鄲淳伯儒嘗寫淳古文尚書還以示淳淳不能別書斷

韋誕

韋誕字仲將京兆人太僕端子有文才善屬辭章建安中拜郎中稍遷侍中中書監以

光祿大夫遜位邯鄲淳衛覲及誕並善書有名

文章敘錄

誕師邯鄲淳太和中誕為武都太守以能書留補侍中魏氏寶器銘題皆誕書云

衛恒四體書勢

誕及姜詡梁宣田彥和皆佐英弟子並善草書誕書最優又善楷書

羊欣能書八名

南宮既建明帝令侍中京兆韋誕以古篆書之

水經注

誕諸書並善尤精題署明帝時凌雲臺初成令誕題榜高下異好宜就加點正因

致危懼頭鬚皆白既下戒子孫無為大字楷法

書斷

誕飛白入妙

同上

韋誕作剪刀篆亦曰金錯書

夢英十八體書

韋康

韋康字元將誕兄

官至涼州刺史

亦工書

書斷

韋熊

韋熊字少季誕之子亦善隸書時人云名公之子不有二事世所美焉

書斷

蘇林

蘇林字孝友陳留人博學多通古今字指凡諸書傳文間危疑林皆釋之建安中為五官將文學黃初中為博士給事中文帝典論所稱蘇林者是也

魏志劉劭傳

張揖



張揖清河人魏初博士著埤倉廣雅古今字詁江式論書表

蘇林張揖並善書見王愔文字志法書要錄

劉廙書斷誤作廣

劉廙字恭嗣南陽安衆人也為五官將文學文帝器之命廙通草書廙答書曰初以尊卑有序不敢修草必如嚴命何敢以辭位為侍中爵關內侯魏志本傳

虞松

虞松字叔茂陳留人也述書賦作會稽人九江太守邊讓外孫弱冠有才宣王辟為掾年二

十四遷中書郎遂至太守魏志鍾繇傳注

叔茂體裁簡約肌骨豐嫵述書賦

應璩

應璩字休璉瑒之弟汝南人博學好屬文善為書記文明帝世歷官散騎常侍齊

王即位遷侍中大將軍長史魏志王粲傳

應璩以文章貴顯亦善書書史會要

杜畿

杜畿字伯侯京兆杜陵人也為河東太守文帝時為尚書僕射謚戴侯魏志本傳

畿善行草書斷

杜恕

杜恕字務伯畿之子也太和中為散騎黃門侍郎後出為幽州刺史加建威將軍

護烏桓校尉 魏志本傳

恕亦善行草 書斷

諸葛誕

諸葛誕字公休琅邪陽都人諸葛豐後也封高平侯為征東大將軍 魏志本傳

諸葛誕常倚柱書雷震其柱誕書自若 金壺記

夏侯玄

夏侯玄字太初尚子沛國譙人少知名官至太常 魏志本傳

夏侯太初常倚柱作書時大雨霹靂破所倚柱神色無變書亦如故 世說新語 按金壺記與諸葛誕事並載

張緝

張緝光祿大夫高貴鄉公后之父也正元元年謀以太常夏侯玄輔政 晉書景帝紀

張緝善書 書史會要

王明山

王明山凌少子太原祁人最知名善書多技藝人得其書皆以為法 魏志王凌傳注

江偉

江偉 藝文類聚作晉人詩紀有江偉答賀蠟詩序云正元二年晉無正元之號按正元乃高貴鄉公年號當是其時人 善書見王愔文字志 法書要錄

陳翕

陳翕未詳何時人張平子碑陰二銘崔子玉及陳翕悉是隸字水經注

韋秀

韋秀書品下之上庚肩吾書品

鍾輿

鍾輿書品下之上庚肩吾書品

吳

張昭

張昭字子布彭城人也少好學善隸書孫策命為長史撫軍中郎將權稱尊號拜

輔吳將軍謚文侯吳志本傳

張昭書品中之下庚肩吾書品

張紘

張紘字子綱廣陵人權以紘為長史吳志本傳

紘好文學又善楷篆書與孔融書自書融遺紘書曰前勞手筆多篆書每舉篇見

字欣然獨笑如復覩其人也吳志本傳注

紘工小篆飛白書史會要

皇象

皇象字休明廣陵江都人幼工書時有張子並張超陳梁甫能書甫恨甫一作度並恨峻



象斟酌其間甚得其妙中國善書者不能及也與嚴武蔡曹不與畫等謂之八絕  
云 吳志趙達傳注

象官至侍中工章草師於杜度右軍隸書萬字皆別休明章草萬字皆同各造其  
極 金壺記云時人謂之書聖 八分亞於蔡邕小篆入能 書斷

皇象書吳大帝碑在江寧府雖本漢隸然探奇振古有三代純樸氣羊欣稱象善  
草書張懷瓘惟稱象小篆入能獨不言象為隸字疑此碑近出前人未見 廣川書跋  
急就篇前代能書者多以草書寫之今惟有一本相傳是皇象寫 玉海 金壺記云其書春秋尤妙

### 陳梁甫

陳梁甫 書斷作梁輔 能書 吳志趙達傳注

劉纂 岑伯然 朱季平

劉纂 吳志步夫人傳注 岑伯然 一作龍 朱季平 並與皇象同時 晉葛洪云吳之善書者皇象劉纂岑伯

然朱季平皆一代之絕手 抱朴子

### 賀邵

賀邵字興伯會稽山陰人也 吳書曰賀齊之孫景之子 孫皓時中書令領太子太傅 吳志本傳

邵善章草與皇象同時共體 述書賦

### 蘇建

蘇建官至中郎其書與皇象同所書禪國文在宜興善卷山中 書史會要

吳後主紀功碑三段石碑華敷文皇象書金陵瑣事又定為蘇建書非篆非隸最  
為奇古原刻在嚴山 江寧府志

朱育

朱育山陰人少好奇字凡所特達依體象類造作異字千名以上育後仕為東觀  
令加位侍中推刺占射文藝優絕 虞預會稽典錄

朱育異字二卷 唐書藝文志

諸葛融

諸葛融字叔長瑾之次子也琅邪陽都人學為章句博而不精性寬容多技藝後  
拜騎都尉 吳志諸葛瑾傳注

諸葛融善書 書史會要

張弘

張弘字敬禮吳郡人篤學不仕恒著烏巾時號張烏巾善篆隸其飛白妙絕當時  
余壺記云弘飛白書有飛仙鶴舞之態 自作飛白序勢備說其美 書斷

沈友

沈友字子正吳郡人弱冠博學善屬文辭 金壺記云沈友少好學書 兼好武事注孫子兵法又辯  
於口眾咸言其筆之妙舌之妙刀之妙三者皆過絕於人 張勃吳錄

釋支謙

釋支謙字恭明一名越本月支人博覽經籍莫不諳究世間伎藝多所綜習  
遍學異書通六國語孫權拜為博士謙以經多梵文集眾本譯為漢文行於世  
高僧傳

康僧會

康僧會其先康居國人世居天竺父移交趾會篤志好學明解三藏博覽六經天  
文圖緯多所綜涉頗屬文翰吳赤烏十年初達建業權為建塔  
高僧傳

蜀漢

諸葛亮

諸葛亮字孔明琅邪陽都人漢司隸校尉諸葛豐後也先主即位策亮為丞相建  
興元年封武鄉侯謚忠武侯  
蜀志本傳

蜀主採金牛山鐵鑄八劍並是亮書  
陶弘景刀劍錄

先主常作三鼎皆孔明篆隸八分書極工妙  
周越古今法書苑

亮善畫亦喜作草字雖不以書稱世得其遺蹟必珍玩之今御府藏草書遠涉帖

宣和書譜

諸葛瞻

諸葛瞻字思遠亮之子也工書畫強識蜀人追思亮咸愛其才敏每朝廷有善政  
佳事雖非瞻所建倡皆曰葛侯之所為也景耀四年為行都護衛將軍平尚書事



蜀志本傳

許靖

許靖字文休汝南平輿人少與從弟劬俱知名建安十六年轉在蜀郡先主即尊號策靖作司徒靖年逾七十丞相諸葛亮皆為之拜蜀志本傳

許靖行草品下之下韋續九品書人論

劉敏

劉敏零陵人優之孫優父綽本彭城人為零陵太守因徙家焉敏善草書帝禪時除侍御史為揚威將軍以功封雲亭侯拜成都大尹永州府志

張飛

張飛字益德涿郡人也章武元年遷車騎將軍領司隸校尉封西鄉侯謚曰桓蜀志本傳

涪陵有張飛刁斗銘其文字甚工飛所書也張士環詩云人間刁斗見銀鈎楊慎

丹鉛總錄

飛不獨有八分書刁斗銘又有流江縣紀功題名云漢將軍飛率精卒萬人大破賊首張郃於八濛立馬勒銘陳繼儒太平清話

來敏

來敏字敬達義陽新野人來歙之後也涉獵書籍善左氏春秋尤精於倉雅訓詁

好是正文字後為執慎將軍蜀志本傳

譙周

譙周字允南巴西西充國人也研精六經尤善書札位至光祿大夫後晉室踐祚

以為散騎常侍不拜蜀志本傳

佩文齋書畫譜卷第二十三

書家傳二

晉

衛瓘

衛瓘字伯玉河東安邑人也子仕魏至鎮東將軍封菑陽侯泰始初進爵為公領

太子少傅謚曰成瓘學問深博明習文藝與索靖俱善草書時人號為一臺二妙

漢末張芝善草書論者謂瓘得伯英筋靖得伯英肉晉書本傳

衛瓘採張芝草法取父法參之更為草藁世傳其善齊書王僧虔傳

衛瓘作柳葉篆其跡類薤葉而不真筆勢明勁莫能得學夢英十八體書

衛恒

衛恒字巨山瓘之子也少辟齊王府遞轉黃門郎恒善草隸書為四體書勢晉書本傳

瓘嘗云我得伯英之筋恒得其骨巨山善古文得汲冢古文論楚事者最妙恒常

玩之書斷

衛恒祖述飛白造散隸書開張隸體微露其白拘束於飛白瀟灑於隸書同上

衛恒作雲書筆動若飛字張如雲衛氏即垂雲之祖夢英十八體書

衛宣

衛宣恒弟善篆及草名亞父兄書斷

衛庭

衛庭宣弟亦工書書斷

衛操

衛操字仲寶恒之子襲權爵懷帝時為散騎侍郎晉書本傳

衛玠

衛玠字叔寶恒少子拜太子洗馬後移家建鄴中興名士玠為第一云晉書本傳

仲寶叔寶俱有書名書斷

何曾

何曾字穎考陳國陽夏人也武帝踐阼拜大尉進爵為公後進位大傅謚曰孝太康

中改謚為元晉書本傳

曾工於藁草時人珍之書斷

荀勗



荀勗字公曾潁川潁陰人漢司空爽之曾孫也年十餘歲能屬文從外祖鍾繇曰此兒當及其曾祖武帝以為侍中封濟北郡侯領祕書監立書博士置弟子教習以鍾胡為法及得汲冢中古文竹書詔勗撰次之以為中經為光祿大夫守尚書令贈司徒謚曰成

晉書本傳

歷代名畫記

荀勗多才藝善書畫鍾會嘗詐作勗書勗亦會之亞也

### 和嶠

和嶠字長輿汝南西平人也襲爵上蔡伯太康末為尚書惠帝即位拜太子太傅

加散騎常侍光祿大夫謚曰簡

晉書本傳

晉太康二年汲郡民發古塚得書言穆王遊幸之事詔荀勗和嶠等以隸字寫之

六卷八千五百一十四字

中興書目序

### 羊祜

羊祜字叔子泰山南城人也咸寧初除征東大將軍開府儀同三司封南城侯謚

曰成

晉書本傳

羊祜書品下之上論曰動成楷則殆逼前良

庾肩吾書品

### 杜預

杜預字元凱京兆杜陵人也拜鎮南大將軍以功進爵當陽縣侯

杜甫祭遠祖當陽君文云春秋主解葉隸躬親

預嘗刻石為二碑紀其勲績一沈萬山之下一立峴山之上曰焉知此後不為陵

谷乎卒謚曰成晉書本傳

預祖繼父恕並善行草三世善草書時人以衛瓘方之稱杜預三世焉書斷

預漢杜度六世孫太康中自渚宮還襄陽因求古文策書及汲冢文其作草書尤

有筆力宣和書譜

樊城西南有曹仁記水碑杜元凱重刊其後書伐吳之事水經注

### 張華

張華字茂先范陽方城人也封壯武郡公為司空領著作晉書本傳

華善章草書體勢尤古嵇叔夜之倫也書斷

華作字尤工草書不在模倣其規槩氣度似其人物見索靖遂雅相厚善深與結

納宣和書譜

### 索靖

索靖字幼安燉煌人也靖與尚書令衛瓘俱以善草書知名瓘筆勝靖然有楷法

遠不能及靖為始平內史加散騎常侍遷後將軍贈司空進封安樂亭侯謚曰莊

作草書狀晉書本傳

靖張伯英之姊孫善章草書出於韋誕峻險過之又善八分韋鍾之亞母丘興碑

是其遺蹟也書斷

靖傳芝草而形異甚矜其書名其字勢曰銀鉤蠆尾南史王僧虔傳

王渾

王渾字玄冲宣和書譜作元戎太原晉陽人也遷司徒惠帝時加侍中又錄尚書事謚曰元

晉書本傳

渾作草字如風吹水自然成文宣和書譜

王濟

王濟字武子渾之次子也少有逸才文詞秀茂伎藝過人為侍中免官尋使以白

衣領太僕晉書本傳

王濟書品下之中庾肩吾書品

傅玄

傅玄字休奕北地泥陽人也博學善屬文入著作撰集魏書恭始五年遷太僕轉

司隸校尉謚曰剛晉書本傳

休奕善於篆隸見重時人云得鍾胡之法書斷

山濤

山濤字巨源河內懷人也後拜司徒謚曰康晉書本傳

巨源正書樸略述書賦

王戎

王戎字濬冲琅邪臨沂人也官尚書令拜司徒謚曰元晉書本傳



戎作草字得崔杜法

宣和書譜

王衍

王衍字夷甫戎之從弟為太尉尚書令封武陵侯

晉書本傳

衍作行草尤妙初非經意而灑然自得於規矩之外

宣和書譜

米芾云嘗見晉人數帖皆奇夷甫獨超然如羣鶴聳翅欲飛而未起也

書史

樂廣

樂廣字彥輔南陽涑陽人也為尚書令

晉書本傳

張懷瓘書估樂廣書入第三等

法書要錄

嵇康

嵇康字叔夜譙國銍人也其先姓奚會稽上虞人以避怨徙焉銍有嵇山因而命

氏在魏拜中散大夫山濤去選官舉康自代康與濤書告絕

晉書本傳

趙至年十四詣洛陽遊太學遇嵇康於學寫石經徘徊視之不能去

晉書趙至傳

叔夜善書妙於草製觀其體勢得之自然意不在乎筆墨

音斷

阮籍

阮籍字嗣宗陳留尉氏人也拜東平相更為大將軍從事中郎又求為步兵校尉

晉書本傳

昔於官書中見山濤阮籍嵇康書皆入作者闡域

廣川書跋

阮咸

阮咸字仲容籍之姪也為始平太守晉書本傳

阮咸行草品中之中卓續九品書人論

劉伶

劉伶字伯倫沛國人也嘗為建威參軍晉書本傳

長安李丕緒得晉七賢帖劉伶書尤怪詭廣川書跋

左思

左思字太冲齊國臨淄人也其先齊之公族有左右公子因為氏焉思少學鍾胡

書欲賦三都門庭藩溷皆著筆硯賦成豪貴之家競相傳寫洛陽為之紙貴晉書文

苑傳

陸機

陸機字士衡吳郡人也太康末與弟雲俱入洛為平原內史晉書本傳

陸機書吳士書也無以較其多少王僧虔論書

機能章草以才長見掩耳宣和書譜

陸雲

陸雲字士龍機之弟號曰二陸吳平入洛為大將軍右司馬晉書本傳

陸雲善書書史會要

張翰

張翰字季鷹吳郡吳人也時人號為江東步兵齊王冏辟為大司馬東曹掾

晉書本

傳

季鷹草書攀附張索

述書賦

賈似道家有張翰思鄉帖

悅生古蹟記

牽秀

牽秀字成叔武邑觀津人也秀博辯有文才弱冠為衛瓘所知後至平北將軍

晉書

本傳

牽秀善書見王愔文字志

法書要錄

裴邈

裴邈字景聲河東聞喜人少有通才從兄頴器賞之歷太傅從事中郎左司馬監

東海王軍事

劉峻世說新語注

裴邈書品下之下

庚清善書品

劉琨

劉琨字越石中山魏昌人漢中山靖王勝之後也永嘉元年為并州刺史元帝轉

琨為侍中太尉謚曰愍

晉書本傳

越石偉度粃糠翰墨實蒙注云今見行書五行

述書賦



劉輿

劉輿字慶孫與兄琨並尚書郭奕之甥名著當時京都為之語曰洛中奕奕慶孫越石東海王越以為左長史越既總錄輿為上佐賓客滿筵文案盈几遠近書記日有數千酬對款備時人服其能比之陳遵追贈驃騎將軍封定襄侯謚曰貞

本傳

晉書

劉輿書品中之下

庾肩吾書品

王育

王育字伯春京兆人也少孤貧為人傭牧羊每過小學必戲歛流涕時有暇即折蒲學書後成都王穎以為破虜將軍

晉書本傳

王哀

王哀字偉元城陽營陵人也博學多能隱居教授三徵七辟皆不就

晉書本傳

王哀善書

書史會要

盧志

盧志字子道范陽涿人也始為成都王穎諮議參軍永嘉末轉尚書

晉書本傳

志少好學朝夕惟焚香讀書嘗與書盟曰誓與此君共老素法鍾繇善書

尚友錄

辛謚

辛謚字叔重隴西狄道人也少有志尚博學善屬文工草隸書為時楷法永嘉末

兼散騎侍郎沒於劉聰歷石勒季龍之世並不應辟命

晉書本傳

傅玉

傅玉一作標書如項羽投戈荆軻執戟

唐人書評

陳暢

陳暢滎陽人晉祕書令史善八分晉宮觀城門皆暢書也

羊欣能書人名

楊肇

楊肇字季初滎陽宛陵人封東武伯官折衝將軍荊州刺史謚曰戴誅云多材豐藝彊記洽聞草隸兼善尺牘必珍翰動若飛紙落如雲

潘岳楊使君碑

楊潭

楊潭字道元肇子見潘岳集

魏志田豫傳注

楊潭書品下之中

庚肩吾書品

楊經

楊經字仲武潭次子肇之孫亦善草隸

羊欣能書人名

羊忱

羊忱字長和一名陶泰山平陽人世為冠族歷太傅長史揚州刺史

羊欣傳作徐州刺史

遷侍

中能草書亦善行隸有稱於一時

文字志

羊長和博學工書能騎射善圍碁諸羊後多知書而餘藝莫逮

世說新語

江瓊

江瓊字孟琚馮翊太守善蟲篆詁訓永嘉中棄官投張軌因居涼

北史江式傳

江統

江統字應元陳留圉人也靜默有遠志與鄉人蔡克俱知名至黃門侍郎散騎常

侍領國子博士

晉書本傳

式六世祖瓊晉初與從父應元俱受學於衛覬古篆之法埤倉雅言說文之義

一作倉雅

方言說文之誼當時並收善譽

江式論書表

蔡克

蔡克字子尼陳留考城人也少好學博涉書記成都王穎擢為東曹掾後為東甌

公從事中郎

晉書蔡謨傳

子尼書體簡約

書史會要

朱誕

朱誕字永長吳郡人體履清和黃中通理累遷議郎吳平歸家

世說注

朱誕書品中之下論曰朱誕以偏藝流聲

庾肩吾書品

皇甫定

皇甫定年七歲善史書從兄謚深奇之

書斷

辛曠



辛曠按晉詩紀有辛曠贈皇甫謚詩當是同時人善書見王愔文字志法書要錄

王導

王導字茂弘光祿大夫覽之孫也初襲祖爵即丘子元帝為琅邪王請導為安東

司馬帝登尊號進驃騎大將軍儀同三司封武岡侯後進位太傅又拜丞相謚文

獻晉書本傳

導行草兼妙元明二帝並工書皆推歎於茂弘王愔云王導行草見貴當世書斷

導善作字規模前人初師鍾繇衛瓘力學不倦攜鍾繇宣示帖以過江宣和書譜

王恬

王恬字敬豫宣和書譜避宋諱作欽孫世說新語注小字虯虎導第二子也多技藝善弈棋後為吳國會稽內史

加散騎常侍贈中軍將軍謚曰憲晉書本傳

恬工於草隸當世難與為比書斷

恬善隸書於草字尤妙是時張翼以書得名議者謂不能過恬宣和書譜

王洽

王洽字敬和導諸子中最知名歷官至吳郡內史徵拜中書令苦讓不受晉書本傳

王洽眾書通善尤能隸行從兄羲之云弟書遂不減吾羊欣能書人名

洽書兼諸法於草尤工落簡揮豪有郢匠成風之勢書斷

逸少與從弟洽變章草為今草韻媚宛轉大行於世同上

王劭

王劭字敬倫導第五子也為尚書僕射出為吳國內史卒贈車騎將軍謚曰簡

書本傳

王劭今見草書一紙六行

實家述書賦注

王蒼

王蒼字敬文導第六子也至鎮軍將軍加散騎常侍贈衛將軍

晉書本傳

王蒼書品下之上論曰動成楷則殆逼前良

庾肩吾書品

王珣

王珣字元琳小字法護導之孫洽之長子也孝武雅好典籍珣與殷仲堪徐邈王恭郗恢等並以才學文章見昵隆安初遷尚書令贈車騎將軍開府謚獻穆

晉書本傳

傳

珣三世以能書稱家範世學珣之草聖亦有傳焉

宣和書譜

王珉

王珉字季琰珣之弟也少有才藝善行書名出珣右時人為之語曰法護非不佳僧彌難為兄僧彌珉小字也代王獻之為長兼中書令二人素齊名世謂獻之為

大令珉為小令贈太常

晉書本傳

自導至珉三世善書時人方之杜衛二氏嘗書四疋素自朝操筆至暮便竟首尾

如一无無誤字子敬戲云弟書如騎驟駸駸欲度驂騑前

書斷

王廞

王廞字伯輿導之孫蒼之子也歷太子中庶子司徒左長史

晉書王曾傳

伯輿書法骨體慢正精采冲融

述書賦

王敦

王敦字處仲

世說新語注云小字阿黑

司徒導之從父兄也拜侍中大將軍江州牧後自為揚州牧

晉書本傳

敦初以工書得家傳之學筆勢雄健

宣和書譜

王邃

淳化閣帖作海陵恭侯王邃

王邃字處重琅邪人舒弟也意局剛清以政事稱累遷中領軍尚書左僕射舒邃

並敦從弟

王邃別傳

王邃作行書有羲獻法婚事一帖尤為人所知流傳至今布置婉媚結構有法

宣和

書譜

劉超

劉超字世瑜琅邪臨沂人以忠謹清慎為元帝所拔遂從渡江專掌文檄超自以

書蹟與帝手筆相類乃絕不與人交書後為右衛將軍謚曰忠

晉書本傳

顧榮



顧榮字彥先吳國吳人也祖雍吳丞相吳平與陸機兄弟同入洛號為三俊永嘉初拜侍中元帝鎮江東以榮為軍司加散騎常侍謚曰元晉書本傳  
顧榮亦善書書史會要

戴若思

戴若思廣陵人也名淵為驃騎將軍謚曰簡晉書本傳

張懷瓘書估戴若思入第四等法書要錄

孔侶

孔侶字敬思會稽人晉大司農今見行書一紙述書賦注

孔愉

孔愉字敬康備之從弟會稽山陰人也吳平愉遷於洛後為鎮東將軍會稽內史加散騎

常侍贈車騎將軍謚曰貞晉書本傳

敬思善行書敬康善草書述書賦云思行則輕利峭峻康草則古質鬱紆山陰志

陸玩一作陸琬米芾作陸統

陸玩字士瑤吳郡吳人也封興平伯遷侍中司空謚曰康晉書本傳

玩機從弟弱冠有美譽喜翰墨尤長行書時瑞星見親書表賀其筆力瘦硬有鍾

繇法雅重而有典則宣和書譜

卞壺

卞壺字望之濟陰冤句人也為尚書令復加領軍將軍謚忠貞

晉書本傳

望之之草緊古而老

述書賦

### 郗鑒

郗鑒字道徽高平金鄉人博覽經籍以儒雅著名明帝以其有器望動靜輒問之乃詔鑒特草上表疏以從簡易後封南昌縣公進位太尉謚文成

晉書本傳

太尉草書卓絕古而且勁

書斷

鑒作草字下筆剛決略無留滯厚實深沉豐茂宏麗而不乏風神

宣和書譜

### 郗愔

郗愔字方回鑒之長子也為冠軍將軍會稽內史就加鎮軍徵拜司空謚文穆

晉書

本傳

愔善衆書齊名庾翼其法遵衛氏尤長於章草纖能得中意態無窮筋骨亦勝王

僧虔云郗愔章草亞於右軍

書斷

### 郗曇

郗曇字重熙鑒之次子也除北中郎將徐兗二州刺史謚曰簡

晉書本傳

重熙書若投石拔距怒目揚眉

述書賦

### 郗超

郗超字景興一字嘉賓愔之長子也桓温辟為掾轉參軍至臨海太守

晉書本傳

超草書亞於二王緊媚過其父骨力不及

王僧虔論書

景興正草輕利脫略古法

述書賦

郗儉之

郗儉之字處約曇之子

晉書超從弟

晉太子率更令今見草書兩紙

述書賦注

郗恢

郗恢字道胤

世說新語注小字阿乞

曇之子也領秦州刺史加督隴上軍尋以為尚書

晉書本傳

處約道胤家之後進草勢兄優正書弟潤

述書賦

何充

何充字次道廬江瀟人風韻淹雅文義見稱錄尚書事加侍中永和中卒贈司空

謚文穆

晉書本傳

次道淳實寡於風彩

述書賦

熊遠

熊遠字孝文豫章南昌人也拜太常卿加散騎常侍

晉書本傳

孝文剛斷謹正援豪注今見正書啓七紙

述書賦

應詹

宣和書譜誤作詹思遠

應詹字思遠汝南南頓人魏侍中璩之孫也詹督五郡軍事與陶侃破杜弢於長沙金寶溢目詹一無所取唯收圖書莫不歎之封觀陽縣侯至平南將軍江州刺史謚



曰烈 晉書本傳

思遠藁草懸解真率天然 述書賦

思遠亦善章草 宣和書譜

陶侃

陶侃字士行本鄱陽人也吳平徙家廬江之尋陽侃性聰敏遠近書疏莫不手答筆

翰如流未嘗壅滯為侍中太尉封長沙郡公謚曰桓 晉書本傳

士行肌骨閑媚注今見正書一紙 述書賦

郭璞

郭璞字景純河東聞喜人也璞好古文奇字妙於陰陽算歷王敦起為記室參軍被

收敦平贈弘農太守 晉書本傳

葛洪

葛洪字稚川丹陽句容人也少好學家貧伐薪以買紙筆夜輒寫書誦習爵關內侯

咸和初遷諮議參軍求為句漏令 晉書本傳

葛洪天台之觀飛白為大字之冠古今第一 米芾書史

葛洪著要用字苑一卷 玉海

王隱

王隱字處叔陳郡陳人也博學多聞元帝以為著作郎撰晉史爵平陵鄉侯黜歸

無資庾亮供其紙筆書乃得成詣闕上之 晉書本傳

王隱好填書 墨數

羊固

羊固字道安太山人 晉明帝東宮僚屬名

固善草行著名一時渡江累遷黃門侍郎 羊欣傳云晉臨海太守 贈大鴻臚 文字志

張輿

張輿字公安范陽方城人華之孫襲華爵過江辟丞相掾太子舍人 晉書張華傳

張輿書品下之中 庾肩吾書品

庾亮

庾亮字元規隨父琛在會稽元帝甚器重之明帝即位以為中書監封永昌縣公

為司徒揚州刺史錄尚書事贈太尉謚文康 晉書本傳

亮善草行 羊欣能書人名

庾惲

庾惲字叔預少以通簡為兄亮所稱遷輔國將軍豫州刺史進號西中郎將謚曰

簡 晉書本傳

叔預效鍾繇雖穩密而傷浮淺 述書賦

庾冰

庾冰字季堅兄亮常以為庾氏之寶康帝即位進車騎將軍謚忠成

晉書本傳

庾冰亦善書書史會要

庾翼

庾翼字稚恭亮之弟至征西將軍領南蠻校尉謚曰肅

晉書本傳

翼善草隸書名亞右軍兄亮常就右軍求書逸少荅云稚恭在彼豈復假此書斷

翼少時與右軍齊名右軍後進庾猶不分在荊州與都下書云小兒輩乃賤家雞

皆學逸少書須吾下當比之

王僧虔論書

庾翼有芝英章草十紙

玉海

庾準

庾準字彥祖希亮孫晉豫州刺史今見草書一紙

述書賦注

范汪

范汪字玄平雍州刺史晷之孫也

述書賦注 順陽人

六歲過江依外家新野庾氏及長好學

然新寫書寫畢誦讀亦通後至安北將軍徐兗二州刺史贈散騎常侍謚曰穆

晉書本傳

玄平近瞻元常俯視國明

張澄

注今見正書謝賜瓜啓四行

述書賦

范甯

范甯字武子汪之次子也補豫章太守免官家於丹陽

晉書本傳



武子正筆頗全古質述書賦

王允之

王允之字深猷舒之子也為衛將軍會稽內史謚曰忠晉書本傳

允之善草行羊欣能書人名

允之善草隸書斷

丁潭

丁潭字世康會稽山陰人也官至散騎常侍贈侍中大夫謚曰簡晉書本傳

世康似無逸少如稟元常注今見正草書各一紙述書賦

李充

李充字弘度江夏人父矩母衛夫人善楷書妙參鍾索世咸重之始辟丞相王導掾累遷

中書侍郎晉書本傳

李式

李式書斷云字景則充之從兄江夏鍾武人善楷隸中興初仕至侍中晉書李充傳

李式衛夫人猶子也甚推其叔母善書右軍云李式平南之流亦可比庾翼書斷

李廞

李廞字宗子江夏鍾武人好學善草隸與兄式齊名躄疾不能行坐常仰臥彈琴

廞嘗為二府辟號李公府文字志

荀輿

荀輿字長胤能書嘗寫狸骨方右軍臨之至今謂之狸骨帖

李綽尚書故實

荀輿隸書草書俱入妙

書斷

王廙

王廙字世將導之從弟而元帝姨弟也少能屬文工書畫封武陵縣侯敦以廙為

平南將軍贈侍中驃騎將軍謚曰康

百書本傳

王平南是右軍叔自過江東右軍之前唯廙為最書為右軍法

王僧虔集

琅邪王廙能章楷傳鍾法

羊欣能書人名

廙工於草隸飛白祖述張衛遺法其飛白志氣極古時人云王廙飛白右軍之亞

書斷

廙得索靖書七月二十六日帖一紙每寶玩之永嘉中乃四疊綴衣中以渡江今

疊蹟猶在

國史異纂

王曠

王曠淮南太守

晉書王羲之傳

曠導從弟與衛世為中表故得蔡邕書法於衛夫人以授羲之

書史會要

曠子羲之七歲學書及年十二見前代筆論於曠枕中竊而讀之曠曰汝何來吾所數也羲之笑而不荅其母曰汝年幼小看用筆法未能曉解縱獲父教恐復不能

祕惜曠乃語羲之曰待汝成人吾當授汝羲之拜曰願早授之使得成人已爲暮學曠語以大綱羲之學功日進

筆勢傳

### 王羲之

王羲之字逸少司徒導之從子也善隸書爲古今之冠爲右軍將軍會稽內史嘗與同志宴集於會稽山陰之蘭亭羲之自爲序又山陰道士養好鶩羲之往觀甚悅爲寫道德經畢籠鶩而歸嘗詣門生家見韭几滑淨因書之真草相半後爲其父刮去門生驚懊累日又叢山老姥持六角竹扇賣之羲之書其扇各爲五字曰但言是王右軍書以求百錢人競買之其書爲世所重皆此類也每自稱我書比鍾繇當抗行比張芝草猶當鴈行也曾與人書云張芝臨池學書池水盡黑使人耽之若是未必後之羲之書初不勝庾翼郗愔暮年方妙常以章草荅庾亮翼深歎伏與王羲之書云昔有伯英草草十紙過江亡失常歎妙蹟永絕忽見足下荅家兄書煥若神明頓還舊觀卒贈金紫光祿大夫諸子遵父先旨固辭不受

晉書本傳

傳

羲之少學衛夫人書將謂大能

筆勢傳云羲之年十二學功日進衛夫人一見語太常王策曰此小兒必見用筆訣也近觀其書便有老成之智因流涕曰此子必敵吾書名矣

及渡江北遊名山見李斯曹喜等書又之許下見鍾繇梁鵠書之洛下見蔡邕石經三體書又於從兄洽處見張昶華岳碑始知學衛夫人書徒費年月遂改本師於衆碑學習焉

筆陣圖



晉成帝時祀北郊更祝版工人削之羲之筆入木七分筆勢傳

羲之善草隸八分飛白章行備精諸體自成一家之法千變萬化得之神功王羲之

別傳

逸少見諸家筆論遂作筆陣圖及筆勢論金壺記

王玄之

王玄之羲之長子早卒晉書王羲之傳

玄之善草隸羊欣能書人名

王凝之

王凝之王氏譜曰字叔平羲之次子亦工草隸仕歷江州刺史左將軍會稽內史晉書王羲之傳

凝之字法最密黃山谷集

王徽之

王徽之字子猷羲之子後為黃門侍郎晉書本傳

徽之作字亦自韻勝羊欣謂尤長於行草律以家法在羲獻間宣和書譜

王操之

王操之字子重王氏譜云羲之第六子歷侍中尚書豫章太守晉書本傳

操之工草隸書斷

王渙之

王渙之義之子黃長睿云王氏擬操徽渙之四子書與子敬書具傳皆得家範而體各不同疑之得其韻操之得其體徽之得其勢渙之得其貌獻之得其源

東觀餘論

王世貞題琅邪法書墨蹟云史稱右軍七子知名者五人玄之凝之操之徽之獻之而不及渙之黃長睿則謂渙之為右軍子長睿博精不減倉曹此當有的據可

補史傳之漏 并州山人續稿

### 王獻之

王獻之字子敬義之第七子工草隸七八歲時學書義之從後掣其筆不得歎曰此兒後當復有大名嘗書壁為方丈大字義之甚以為能觀者數百人大元中新起太極殿安欲使獻之題榜以為萬代寶而難言之試謂曰魏時陵雲殿榜韋仲將懸橙書之獻之正色曰仲將魏之大臣使其若此有以知魏德之不長安遂不之逼安又問曰君書何如君家尊曰故當不同安曰外論不爾曰人那得知尋除建威將軍吳興太守徵拜中書令贈侍中特進光祿大夫謚曰憲 晉書本傳 獻之幼學父書次習於張後改變制度別創其法率爾師心冥合天矩 王獻之別傳

二王重變行隸及葉體為八體書 墨法數

義獻之書謂之今草結構微眇者謂之小草復有游絲草 書翰

獻之變右軍法為今體字畫秀媚妙絕時倫 宋明帝文章志

謝奉起廟悉用隸材右軍取隸書之滿牀奉收得一大簀子敬後往謝為說右軍書甚佳而密已削作數十隸板請子敬書之亦甚合奉並珍錄奉後孫履分半與桓玄用履為揚州主簿虞翻教二王書事

有一好事年少故作精白紗襪著詣子敬子敬便取書之草正諸體悉備兩袖及標略周年少覺王左右有凌奪之色掣襪而走左右果逐之及門外鬪爭分裂年

少纔得一袖耳同上

獻之自謂年二十有四游名山間有授其五百七十九字者初得此書日習之未

經一周形容髣髴宣和書譜

王淳之

王淳之獻之兄子善草行羊欣能書人名

王羲之代書人

王羲之代書人未詳姓氏逸少從失郡告靈不仕以後略不復自書皆使此一人世中不

能別見其緩異呼為末年書子敬年七八全放此人書故遂成與之相似陶隱居

荅武帝啓

張翼

張翼字君祖下邳人官至東海太守善隸草書史會要

翼正書學鍾繇草書學羲之皆極精妙當時與王修江濯輩並馳爭先宣和書譜



王右軍嘗自書表晉穆帝令翼寫題後荅右軍當時不別久後方悟云小子幾欲亂真王僧虔論書

### 許靜民

許靜民高陽人鎮軍參軍善隸草義之高足羊欣能書人名

靜民善題宮觀額將直方之體其草稍乏筋骨亦景則李式之亞也書斷

### 許靜

按許靜或即許靜民之誤未敢遽定為一人因並存之

許靜晉人李嗣真曰許靜之迹不減小令常歎云小鍾書初不留意試作之乃不可得研之彌久始有髣髴李嗣真書後品

### 謝尚

謝尚字仁祖鯤之子也秣陵人善音樂博綜眾藝永和中拜尚書僕射贈散騎常侍衛將軍謚曰簡晉書本傳

尚作草書深得昔人行筆之意宣和書譜

### 謝奕

謝奕字無彥一作無奕安之兄也為安西將軍豫州刺史贈鎮西將軍晉書本傳

奕喜作字尤長於行書飄逸之氣入人眉睫宣和書譜

### 謝安

謝安字安石尚從弟也善行書拜衛將軍開府儀同三司封建昌縣公進拜太保

贈太傅謚文靖 晉書本傳

安陳郡陽夏人學草正於右軍右軍云卿是解書者然知解書者尤難安石尤善

行書 書斷

安石善書不重子敬 王僧虔云得子敬書有時裂作校紙 子敬每作好書必謂被賞安輒題後荅之 虞蘇論

書表

謝萬

謝萬字萬石安之弟也散騎常侍 晉書本傳

萬工言論善屬文作字自得家學清潤道勁風度不凡於行草最長 宣和書譜

任靖

任靖 見王僧虔文字志 陶弘景曰右軍書中給事黃門一紙治廉瀝一紙凡二篇並是謝安衛

軍參軍任靖書 陶隱居集

任靖書品中之中論曰任靖矯名 庾肩吾書品

張嘉

張嘉字子勝官至光祿大夫善隸書羊欣云嘉師於鍾氏勝王羲之在臨川也 書

斷

張澄

張澄字國明吳郡人嘉之子晉光祿大夫見咸康八年正書上成帝啓有鍾氏餘

風述書賦注

張澄書當時亦呼有意王僧虔論書

張彭祖

張彭祖澄官至龍驤將軍善隸書右軍每見其緘牘輒存而玩之書斷

孫綽

孫綽字興公楚之孫也為廷尉卿領著作綽少以文才稱於時文士綽為其冠温

王郗庾諸君之薨必須綽為碑文然後刊石焉晉書本傳

張懷瓘書估孫綽書入第四等法書要錄

王彬之

王彬之字道生廣漢人何延之蘭亭記曰王羲之與太原孫統孫綽王彬之等四

十有一人修被禊之禮法書要錄

王彬之書放縱快利筆道流便梁武帝評書

許邁

許邁字叔玄一名映丹陽句容人也永和二年移入臨安西山有終焉之志乃改

名玄字遠遊羲之相與為世外之交後莫測所終晉書本傳

許邁書有晉人風致而尤清逸書史會要

劉惔



劉惔字真長沛國相人也性簡貴與王羲之雅相友善終丹陽尹

晉書本傳

真長草含稚恭之厚爽正邇越石之羈束

述書賦

### 王濛

王濛字仲祖

小字阿奴

哀靖皇后父

大原晉陽人

善隸書轉司徒左長史

晉書本傳

張懷瓘云

濛隸書法於鍾氏隸章草入能衛臻陶侃亞也

書斷

王濛書比庾翼

法書要錄

濛論章草作人字法趨之欲利按之欲輕世以濛為知言世所存者多行書

宣和書譜

譜

### 王脩

王脩字敬仁小字荀子濛之長子也善隸書號曰流奕清舉至中軍司馬

晉書本傳

脩求右軍書乃寫東方朔畫贊與之始王導衣帶中盛尚書宣示帖過江後與右

軍乞敬仁敬仁亡其母見此書平生所好遂以入棺

書斷

脩善隸行與羲之善故殆窮其妙子敬每省脩書云咄咄逼人

三石齋書人各

### 温放之

温放之嶠之子也至交州刺史

晉書温嶠傳

放之率爾草健筆力

述書賦

### 王述

王述字懷祖湛之孫承之子也至散騎常侍尚書令贈侍中驃騎將軍謚曰簡晉書本傳

懷祖書高利迅薄連屬敬傾述書賦

王坦之

王坦之字文度述之子也徐兗二州刺史贈安北將軍謚曰獻晉書本傳

坦之善書書史會要 淳化閣帖 三卷有行書四行

王綏

王綏字彥猷坦之之孫荊州刺史晉書本傳

綏善隸行羊欣能書人名

康昕

康昕字君明外國人一云義興人官至臨沂令善隸書王子敬題方山庭殿數行昕密改

之子敬後過不疑又為謝居士題畫以示子敬歎其能法書要錄

康昕書類子敬亦比羊欣歷代名畫記

康昕與惠式道人俱學二王轉以已書貨之世人或謬寶其迹書斷

劉瓌之

劉瓌之字元寶沛國人御史中丞義誠伯述書賦注

瓌之善八分大令既不肯書太極殿榜謝安乃令瓌之以八分題之東觀餘論

韋昶

韋昶字文休，誕兄涼州刺史康之玄孫。官至潁州刺史，散騎常侍，善古文大篆。或問王右軍父子書名以爲云何，曰：二王自可謂能，未足知書也。又妙於作筆，子敬得其筆以爲絕世。書斷

太元中，孝武帝改治宮室及諸廟門，並欲使王獻之隸草書題榜。獻之固辭，乃使劉瓌之，以八分書之。後又以文休大篆改八分焉。書斷

曹茂之

曹茂之字永叔，世說新語注云：螭曹茂之小字也。彭城人，仕至尚書郎。曹氏譜

李志

李志字溫祖，江夏鍾武人。晉百官名，李氏譜云：志仕至員外常侍，南康相。

曹螭李志與右軍同時，書亦爭衡。墨池璣錄

桓溫

桓溫字元子，宣城太守彝之子也。譙國龍亢人，升平中改封南郡公，又加侍中大司馬。太和四年，領平北將軍，徐兗二州刺史，追贈丞相。晉書本傳

溫墨蹟見於世者尤少，然頗長於行草，字勢遒勁，有王謝之餘韻。宣和書譜

桓玄

桓玄字敬道，一名靈寶，大司馬溫之孽子也。元興二年，玄詐表請平姚興，初欲飾



裝無他處分先使輕舸載服玩及書畫等物玄曰書畫服玩既宜恒在左右脫有不意當使輕而易運衆咸笑之玄性貪鄙好奇異人士有法書好畫悉欲歸已猶難逼奪之皆捕博而取

晉書本傳

王僧虔論書

桓玄自謂右軍之流當時以比孔琳之

桓玄嘗慕小王善於草法

書斷

桓玄雅愛羲之父子書各為一帙置左右以玩之

晉書王獻之傳

桓玄愛重書法每讌集輒出法書示賓客客有食寒具者仍以手捉書大點汚後

出法書輒令客洗手兼除寒具

虞翻敘二王書事

桓大司馬每請長康與羊欣論書畫竟夕忘疲

世說新語

### 殷仲堪

殷仲堪陳郡人也能清言善屬文為荊州刺史

晉書本傳

仲堪書亦王敬仁之亞

書斷

### 諸葛長民

諸葛長民琅邪陽郡人也為豫州刺史領淮南太守

晉書本傳

長民全效子敬宏逸生於天機

述書賦

長民善行草論者以為范蔚宗之流

書斷

### 盧循

盧循字于先小名元龍諶之曾孫也善草隸弈碁之藝元興中權假循廣州刺史

經晉書本傳  
盧循素善尺牘尤珍名法 虞繡論書表

習鑿齒

習鑿齒字彥威襄陽人也博學洽聞以文筆著稱善尺牘後為滎陽太守在郡著

漢晉春秋 晉書本傳

江灌

江灌字道羣陳留圉人也少知名温末年為諮議參軍後出為吳郡太守未拜卒

晉書本傳

道羣閑慢氣格自充 述書賦

袁山松

袁山松 梁武帝評書作袁崧 陳郡陽夏人博學有文章為吳郡太守 晉書本傳

袁崧書 一本作柳產 如深山道士見人便欲退縮 梁武帝評書

顧愷之

顧愷之字長康晉陵無錫人 見畫家傳 博學有才氣義熙初為散騎常侍 晉書本傳

長康亦善書 書斷 戲鴻堂帖目有 女史箴真蹟十二行

郭荷

郭荷字承休略陽人也明究典籍特善史書不應州郡之命張祚徵為博士祭酒  
迫而致之荷乞還祚遣以安車蒲輪送還張掖東山謚曰立德先生 晉書本傳

謝敷

謝敷字慶緒會稽人入太平山十餘年郗愔召為主簿臺徵博士皆不就 晉書本傳

謝敷工隸草 羊欣能書人名

謝靜

謝靜謝敷並善寫經亦入能境 王僧虔論書

戴逵

戴逵字安道譙國人也工書畫總角時以雞卵汁溲白瓦屑作鄭玄碑又為文而

自鐫之詞麗器妙性不樂當世常以琴書自娛孝武帝時累徵不就 晉書本傳

戴公從東出謝太傅往看之見但與論琴書戴既無吝色而談琴書愈妙 世說新語

呂忱

呂忱字伯雍博識文字撰字林五篇萬二千八百餘字 江式論書表云晉世義陽王興祠今任城呂忱表上字林六卷 字林

則說文之流小篆之工亦叔重許之亞也 書斷

劉訥

劉訥字行仁琅邪人晉散騎常侍今見康帝啓四紙 述書賦注

訥師鍾繇始終規矩 書史會要



劉劭 書史會要誤作三國時劉劭

劉劭一作名字彥祖彭城人有才幹咸康世歷御史中丞侍中尚書豫章太守 晉書劉隗

傳

劭善小篆工飛白雖不及張毛亦一時之秀作飛白勢 書斷

柳詳

柳詳亦善飛白彥祖之亞也 書斷

陳逵

陳逵字林道潁川許昌人少有幹以清敏立名襲封廣陵公黃門郎西中郎將領

梁淮南二州太守 陳逵別傳

逵作行草古而腴草字飄發不滯有義獻之風 宣和書譜淳化閣帖四卷有陳逵書題作陳人黃伯思刊誤云陳逵晉西中郎將也此云陳朝陳

矣 逵誤

劉恢

劉恢字道生沛國人為車騎司馬贈前將軍 宋明帝文章志

張懷瓘書估劉恢書入第三等 法書要錄

岑淵 王愔文字志作岑泉

岑淵吳郡人太原中任內史 姑蘇志

岑淵書品下之中 庚肩吾書品

張越 草書韻會書史會要皆作後漢人按王愔文字志目編晉人中

張越燉煌人仕至梁州刺史善草書 書斷

韋弘

韋弘字叔思位至原州刺史善隸書 書斷

韋季

韋季字成弘弟為平西將軍善隸書 書斷

沈嘉

沈嘉字長茂吳郡人吳興太守善草書 始蘇志

長茂草勢既捷而疎 述書賦

劉璞

劉璞字子成南陽人晉光祿勳即得道南嶽魏夫人之子父義晉河內修武令今

見行書及草兩紙 述書賦注

劉廞

劉廞字季舒會稽人光祿大夫今見書名啓一紙 述書賦注

謝藻

謝藻字叔文會稽人晉中書侍郎 山陰志作中書舍人 正書啓兩段合為一紙五行其半先在

官半在外及得之勘合如一 述書賦注

宋珽

宋珽廣平人晉相府參軍見行書四行 述書賦注

宋珽書法精緊 書史會要

謝璠伯

謝璠伯晉散騎常侍 劉次莊法帖釋文

謝璠伯善行草 書史會要

張野

張野字萊民居潁陽菽桑與淵明有婚姻契學兼華梵尤善屬文徵拜散騎常侍  
不就入廬山依遠公遠公卒謝靈運為銘野為序稱門人義熙十四年卒 蓮社高賢傳

惠遠法師碑謝靈運文張野書 金石略

向泰 費元瑤

向泰費元瑤書品下之上論曰並擅豪翰動成楷則 庚肩吾書品

張炳

張炳書品下之中論曰雖未窮字奧書尚文情 庚肩吾書品

虞安吉

虞安吉晉人正草大篆品上之下 韋續九品書人論



謝發

謝發善行草 書史會要 淳化閣帖三卷有行書六行

李韞 陳基 傅廷堅 張紹 陰光 曹任 宋嘉 孔閻

辟閻訓 張熾 周仁皓

李韞已下十一人書品下之下論曰皆遺迹見珍餘芳可折 庚肩吾書品

滿爽 裴興

滿爽裴興 見王愔文字志

徐令文

徐令文 見書史會要

楊羲

楊羲字義和吳郡人 述書賦注 作弘農人 徙家句容幼而通靈美姿容善言笑工書畫與王

右軍並名海內 鄒迪光良常仙系記

楊君書最工不今不古能細能大大較雖祖效却法筆力規矩兼於二王 陶隱居

論三仙君真蹟

興寧二年前上真南嶽魏夫人降丹陽之句曲山以上清諸真經授弟子琅邪王

公府舍人楊君使作隸書出以授護軍長史許君父子 真誥

楊書以郗氏為師不學右軍父子然翩翩有冲霄之度 容臺集

許穆

許穆一名字思立邁第五弟丹陽句容人官至護軍長史散騎侍郎雲笈七籤

長史章草正書古拙陶隱居論三仙君真蹟

許翹

許翹字道翔小字玉斧穆第三子司徒辟掾不就隱居茅山師楊羲雲笈七籤

許掾書乃是學楊而字體勁利偏善寫經畫符與楊相似鬱勃鋒勢殆非人功所

逮陶隱居論三仙君真蹟

南嶽魏夫人

南嶽魏夫人諱華存字賢安位號虛元君領上真司命陶隱居真靈位業圖

魏夫人左僕射舒之女太保公掾南陽劉幼彥之室光祿勳璞之母天才卓異少

讀莊老及春秋二傳五經百子後修真得道夫人善書書史會要

識道人一作惠式道人

識道人南州人康昕學右軍草亂真與識道人作右軍書貨王僧虔論書

康昕與南州惠式道人俱學二王轉以已書貨之世人或謬寶其迹亦或謂為羊

欣書斷按此與王僧虔論書同又按歐陽通云惠式道人右軍之甥與王無別當是一人陶宗儀作兩人誤

岳道人

岳道人書品下之下庾肩吾書品

法高道人

法高道人書品下之下論曰皆遺迹見珍各盡其妙

庚肩吾書品

衛夫人一作李夫人

衛夫人名鑠字茂猗晉汝陰太守李矩妻

西溪叢話云衛夫人廷尉展之女弟恒之從妹中書郎李充之母

善鍾法能正書

入妙王逸少師之翰墨志

鍾繇傳之衛夫人衛夫人傳之王羲之

傳授筆法人名

郗夫人

郗夫人王羲之之妻也甚工書

孔元舒在窮記

謝夫人

王凝之妻謝氏字道韞安西將軍奕之女也

晉書列女傳

道韞有才華亦善書為舅氏所重

王羲之外傳

道韞書雍容和雅芬芳可玩

李嗣真書品

傅夫人

傅夫人郗愔之妻也善書

書斷

傅夫人正隸品下之上

韋續九品書人論

荀夫人

荀夫人王洽之妻也亦善書

書斷



汪夫人

汪宣和書譜作江夫人王珉之妻也善書書斷

荀夫人

荀夫人庾亮妻正行篆隸品上之下韋續九品書人論

蔡夫人

蔡夫人羊衡母正書品上之中韋續九品書人論

李氏

李氏意如廣漢人王獻之保母也善屬文能草書韋續九品書人論

趙

崔悅

崔悅字道儒清河東武城人仕石季龍位司徒右長史以才學稱北史魏崔宏傳

悅與范陽盧諶並以博藝齊名諶法鍾繇悅法衛瓘而俱習索靖之草皆盡其妙

諶傳子偃偃傳子邈悅傳子潛潛傳子宏世不替業北史崔浩傳

盧諶

盧諶字子諒志長子也好老莊善屬文初為劉琨從事中郎後為石季龍中書監

晉書本傳

諶以父法鍾繇書子孫傳其業累世有名尚友錄

燕

盧偃

盧偃諶第四子博學善隸書有名於世仕慕容氏位給事黃門侍郎營丘成周二

郡守

北史盧諶傳

盧邈

盧邈偃長子仕慕容氏為范陽太守以儒雅稱初諶父志法鍾繇書子孫傳業累

世有能名至邈以上兼善草蹟

北史盧玄傳

崔潛

崔潛悅子仕慕容暉為黃門郎以才學稱

北史崔宏傳

潛為兄渾等誅手筆本草延昌初著作郎王遵業買得之寶其書迹深秘藏之武

平中姚元標以工書知名見潛書以為過於浩

魏書作已

北史崔浩傳

佩文齋書畫譜卷第二十四

書家傳三

宋

劉穆之

劉穆之字道和小字道人東莞莒人也世居京口穆之與朱齡石並便尺牘嘗於武帝坐與齡石並答書自旦至日中穆之得百函齡石得八十函而穆之應對無

廢裁有閑暇手自寫書尋覽篇章校定墳籍在晉至左僕射宋武又表天子贈侍中司徒封南昌縣侯宋受禪追封南康郡公謚文宣南史本傳

道和閑雅高蹤絕塵述書賦

### 朱齡石

朱齡石字伯兒沛國沛人也封豐城侯為雍州刺史南史本傳

朱齡石書品下之中廣肩吾書品

### 朱超石

朱超石齡石弟雖出自將家兄弟並閑尺牘除中書侍郎封興平縣侯南史本傳

### 王弘

王弘字休元琅邪臨沂人也珣子元嘉九年進位太保謚文昭弘人望所宗書翰儀體後人皆依放之南史本傳

### 王曇首

王曇首太保弘之弟也幼有素尚兄弟分財曇首唯取圖書而已文帝即位為侍中遷太子詹事追封豫寧縣侯謚曰文南史本傳

曇首草字行筆痛快宣和書譜

### 王微

王微字景玄弘弟光祿大夫孺之子也少好學善屬文工書為中書侍郎贈祕書



監 南史本傳

徐羨之

徐羨之字宗文

蔡廓傳云小字干木

東海郟人也武帝即位封南昌縣公揚州刺史

南史本傳

徐羨之書品下之下 庾肩吾書品

徐湛之

徐湛之字孝源達之子也善尺牘文帝時為尚書僕射贈司空謚忠烈

南史本傳

傅隆

傅隆字伯祚北地靈州人也以太常致仕拜光祿大夫在家不釋卷嘗手抄書籍

宋書本傳

王裕之

王裕之字敬弘廩之曾孫名與宋武帝諱同故以字行官至開府儀同三司謚文

貞 南史本傳

敬弘翰墨古而樸略注今見草書四行 述書賦

裴松之

裴松之字世期河東聞喜人也博覽墳集立身簡素上使注陳壽三國志後為南

琅邪太守致仕進大中大夫 南史本傳

世期參方回之章法得敬元之草意注今見章草書慰勞文一卷 述書賦

宗少文

宗少文宋書作宗炳字少文南陽涅陽人也妙善琴書圖畫元嘉中頗微不應南史本傳

宗炳放逸屈攝頗效康許量其直置孤梗是靈運之流李嗣真書品後

宗炳出九體書所謂縑素書簡奏書牋表書弔記書行狎書檄書藁書半草書全

草書此九法極真草書之次第庾元威論書

戴顓

戴顓字仲若譙郡鍾人也父逵兄勃並隱遯有高名父善琴書顓並傳之世居郟

下後出居吳元嘉中徵並不就南史本傳

謝靈運

謝靈運謝弘微傳云小字客兒陳郡陽夏人襲封康樂公靈運詩書皆兼獨絕每文竟手自寫之

文帝稱為二寶後為永嘉太守臨川內史南史本傳

謝瞻與從叔琨族弟靈運俱有盛名嘗作喜霽詩靈運寫之琨詠之王弘以為三

絕南史謝瞻傳

子敬上表多在中書雜事中靈運竊寫易其真本相與不疑元嘉初帝就索始進

王僧虔論書

謝靈運母劉氏子敬之甥故靈運能書而特多王法虞蘇論書表

靈運學王羲之真草俱造其妙草尤為人所推宣和書譜

謝方明

謝方明陳郡陽夏人宋武帝受命為侍中丹陽尹轉會稽太守

南史本傳

方明寬和隱媚注今見正書三行

述書賦

謝惠連

謝惠連方明子也年十歲能屬文族兄靈運加賞之元嘉七年為彭城王法曹行

參軍南史本傳

惠連書畫並妙

歷代名畫記

謝綜

謝綜述子陳郡陽夏人綜有才藝善隸書為太子中舍人

南史謝述傳

謝綜書其舅范曄云緊潔生起實為得賞至不重羊欣欣亦憚之書法有力恨少媚

好王僧虔論書

羊欣

羊欣字敬元泰山南城人也少靖默美言笑善容止泛覽經籍尤長隸書年十二

王獻之甚知愛之欣嘗夏月著新絹裘晝寢獻之書裙數幅而去欣書本工因此

彌善會稽王世子元顯令書扇常不奉命除中散大夫素好黃老常手自書章

南史

本傳

欣書見重一時行書尤善正乃不稱名

王僧虔論書



敬元師資大令親承妙旨時人云買王得羊不失所望

書斷

欣嘗撰續筆陣圖一卷又撰古今能書人名一卷

宣和書譜

### 孔琳之

孔琳之字彥琳會稽山陰人也少好文義解音律能彈碁妙善草隸宋永初中為

祠部尚書贈太常

南史本傳

琳之書天然放縱極有筆力

齊書王僧虔傳

琳之善草行師於小王稍露筋骨

書斷

### 蕭思話

蕭思話南蘭陵人宋孝懿皇后弟子也工隸書善彈琴後拜郢州刺史贈征西將

軍開府儀同三司謚曰穆侯

南史本傳

思話書羊欣之影風流媚好殆當不減筆力恨弱

齊書王僧虔傳

思話學於羊欣得其體法行草勢不斷絕上方琳之不足下方范曄有餘

書斷

### 范曄

范曄字蔚宗小字博泰第四子順陽人也少好學善為文章能隸書曉音律累遷

左衛將軍太子詹事及入獄上有白團扇甚佳送曄令書出詩賦美句曄受旨援

筆而書曰去白日之焔焔襲長夜之悠悠上循覽悽然曄自序云吾書雖小小有

意筆勢不快餘竟不成就每愧此名

南史本傳

睦與思話同師羊欣後小畔失故步王僧虔論書

蔚宗工於草隸小篆尤精書斷

羊真孔草蕭行范篆各一時絕妙袁昂書評

薄紹之

薄紹之字敬叔書史會要丹楊人官至給事中善書憲章小王風格秀異行草倜儻

時越羊欣書斷

丘道護

丘道護烏程人也善隸書便書素時司馬珣之為吳興羊欣弟倫為臨安令欣過吳興看弟珣之乃以道護素書洛陽賦示欣欣咨嗟其工以為勝已官至相國主

簿書斷

丘道護與羊欣俱面受子敬故當在欣後齊書王僧虔傳

賀道力

賀道力會稽山陰人善三禮有盛名仕宋為尚書三公郎建康令南史賀瑒傳

道力書亞丘道護齊書王僧虔傳

道力草雄圓轉不窮注今見章草二紙述書賦

顏騰之

顏騰之字弘道巴陵太守度支校尉善草隸書有風格顏真卿家廟碑

顏騰之賀道力並善尺牘少行於代

梁武帝草書評

顏炳之

顏炳之字叔豹騰之子輔國江夏王參軍以能書稱

顏真卿家廟碑

張裕

張裕字茂度吳郡吳人也名與宋武帝諱同故以字行曾祖澄祖彭祖元嘉十八年除會稽太守謚恭子

南史本傳

張茂度今見行草書十行

述書賦注

張永

張永字景雲

述書賦作景初

茂度第三子永涉獵書史能為文章善隸書騎射雜藝觸類兼

善又有巧思為文帝所知紙墨皆自營造上每得永表啓輒執玩咨嗟自歎供御者了不及也元徽二年為征北將軍南兗州刺史

南史本傳

謝晦

謝晦字宣明陳郡陽夏人晉太常哀之玄孫也晦美風姿善言笑涉獵文義博瞻

多通時人以方楊德祖荊州刺史封建平郡公

南史本傳

謝晦善書

書史會要

謝莊

謝莊字希逸弘微子也七歲能屬文及長韶令美容儀明帝時加金紫光祿大夫



中書令散騎常侍謚憲子 南史本傳

賀方回云謝莊詞翰傳自高祖廣平王間得於南唐字畫遒勁勢若飛動 董其昌戲

鴻堂帖

顏延之

顏延之字延年琅邪臨沂人也少孤貧好讀書文章冠絕當時孝武登阼為金紫

光祿大夫贈特進謚憲子 南史本傳

延之善草書 書譜

顏竣

顏竣字士遜延之之長子也琅邪臨沂人大明元年為東揚州刺史 南史本傳

士遜墨妙大令典則中散氣調 述書賦

孟覲

孟覲字彥重平昌安丘人衛將軍昶弟也昶覲並美風姿時人謂之雙珠歷左光

祿大夫終會稽太守 南史謝靈運傳

孟光祿書如崩崖人見可畏 袁昂書評

張暢

張暢字少微吳郡吳人也孝建二年出為會稽太守謚曰宣 南史本傳

張暢工書 書史會要

陶隆

陶隆弘景丹陽秣陵人也好學讀書善寫行參征南中郎軍事從孝武有功封晉

安侯後監新會郡大明五年卒華陽隱居錄

陶貞寶南史陶弘景傳無寶字

陶貞寶字國重弘景父孝昌南史相作令善藁隸書家貧以寫經為業一紙直價四十書體以

羊欣蕭思話為法華陽隱居錄

江僧安

江僧安夷之弟濟陽考城人述書賦注作陳留人宋太子中庶子子智深南史江智深傳

江侯僧安健利輕媚注今見行書一紙述書賦八行

垣護之

垣護之字彥宗略陽垣道人也大明中為豫州刺史謚壯侯南史本傳

垣公護之神疑筆遲注今見行書一紙述書賦

徐爰

徐爰字長玉南琅邪開陽人也本名瑗為濟南太守除中散大夫南史本傳

長玉神閑態穠荷小王之偉質錯明帝之高蹤述書賦

徐希秀

徐希秀爰子甚有學解亦閑篆隸正覺禪靈二寺碑即希秀書也位驍騎將軍

淮南太守 南史徐爰傳

希秀正則謹促有度草則拘檢靡伸 述書賦

巢尚之

巢尚之 述書賦注 字仲遠 魯郡人元嘉中侍始興王濬讀書涉獵文史為上所知名帝初

累遷黃門侍郎出為新安太守 南史藝法興傳

仲遠企彥琳之牆仞遵茂度 張裕 之軌躅注今見行書七行 述書賦

孫奉伯

孫奉伯 宋明帝時人 淮南太守詔與巢尚之徐希秀料簡二王書評其品第 虞龢論書表

奉伯書品下之上論曰動成楷則殆逼前良 庾肩吾書品

虞龢

虞龢 書史會要云 會稽餘姚人 宋 東觀錄 論作梁 中書侍郎上明皇帝表論古今妙蹟正行草楷紙色標

軸真偽卷數無不畢備表本行於世真蹟故起居舍人李造得之 述書賦注

虞龢法書目錄六卷 唐書藝文志

戴延壽

戴延壽會稽山陰人也家貧父碩子以販絲為業二兒並修立延壽善書法興

好學 南史戴法興傳

王道迄



王道迄道隆吳興烏程人涉學善書形貌又美吳興太守王韶之謂人曰有子弟如王道迄無所少始興王濬以為世子師以書補中書令史宋書王道隆傳

王道隆

王道隆亦知書為主書書史漸至主書廢帝即位遷右軍將軍贈益州刺史宋書本

傳

褚欣遠

褚欣遠錢唐人善模書宋文帝云天下有五絕而皆出錢唐謂杜道鞠彈碁范悅詩欣遠模書褚胤圍碁徐道度療疾也南史張融傳

王愔

王愔魏平北將軍乂之子善草書書史會要

王思立

王思立琅邪人宋南康太守今見行書三行述書賦注

思立穩厚而無法度淳和而蓄鋒芒述書賦

駱簡

駱簡字正祖丹陽人宋鉅野令今見行書五行述書賦注

正祖師資小王深入閩域述書賦

龐秀之

龐秀之宋江州刺史今見正書一紙

述書賦注

秀之書宗二王

書史會要

王藻

韋續九品書人  
論作王藻之

王藻琅邪臨沂人官至東陽太守工行草

書史會要

史稜

史稜宋人行隸品中之上

韋續九品書人論

羊詒

羊詒宋人

草書韻會

山肩

未詳時代韋續附  
元嘉末今從之

山肩河東人作花書

墨戲數

孔琳之妻

孔琳之妻謝氏亦善書

書斷

齊

王僧虔

王僧虔琅邪臨沂人也善隸書宋文帝見其書素扇歎曰非唯迹逾子敬方當器雅過之孝武擅書名僧虔大明世嘗用掘作筆書泰始中出為吳興太守王獻之善書為吳興郡僧虔工書又為郡論者稱之齊太祖善書與僧虔賭書畢曰誰為第一僧

度曰臣書第一陛下亦第一上笑曰卿可謂善自為謀矣

南史云帝問我書何如卿荅曰臣正書第一草書第二陛下草書第二而正書

第三臣無第三陛下無第一帝大笑曰卿善為辭

示僧虔古蹟十一袞就求能書人名僧虔得民間所有袞中所

無者十二卷奏之又上羊欣所撰能書人名一卷世祖即位遷侍中左光祿大夫開

府儀同三司贈司空謚簡穆著書賦傳於世

齊書本傳

昇明二年僧虔為尚書令嘗為飛白書題尚書省壁當時以比座右銘

南史

僧虔嘗自書讓尚書令表辭制既雅筆迹又麗時人以比王子敬

同上

虎爪書王僧虔擬龍爪所作也

墨戲

### 王慈

王慈字伯寶僧虔子少與從弟儉共書學謝鳳子超宗詣慈慈正學書未即放筆

超宗曰卿書何如虔公慈曰慈書比大人如雞之比鳳超宗狼狽而退為東海太

守贈太常謚懿

南史本傳

慈亦善隸書

書斷

### 王儉

王儉字仲寶生而僧綽遇害為叔父僧虔所養幼篤學手不釋卷賓客或相稱美

僧虔曰我不患此兒無名政恐名太盛耳乃手書崔子玉座右銘以貽之永明中

開府儀同三司改領中書監贈太尉謚文憲儉寡嗜慾惟以經國為務手筆典裁

為當時所重

南史本傳



神功元年鳳閣侍郎王方慶進遺蹟一卷中有六代祖仲寶書

唐朝敘書錄

王僧祐

王僧祐字肩宗幼聰悟雅為從兄儉所重工草隸善鼓琴不交當世自天子至於侯伯未嘗與一人遊終於黃門郎

南史本傳

王晏

王晏字休默一字士彥弘之之孫也齊武帝板為記室軍旅書翰皆見委建武中領太子少傅進爵曲江縣公

南史本傳

王融

王融字元長琅邪臨沂人母謝惠宣女教融書學竟陵王子良板融寧朔將軍軍主特相友好

齊書本傳

王融圖古今雜體有六十四書

庾元威論書

劉禹錫三癖詩序云柳吳興亭臯隴首之句王融書之白團扇

唐詩紀事

褚淵

褚淵字彥回河南陽翟人武帝時授司空侍中錄尚書事謚文簡

齊書本傳

彥回無節筆翰決利注今見草書二紙

述書賦

褚賁

褚賁字蔚先彥回長子齊武帝以為侍中左部尚書

南史本傳

褚賁今見正書啓八行述書賦注

蔚先書法和雅書史會要

徐孝嗣

徐孝嗣字始昌小字遺奴東海郟人湛之之孫也封枝江縣公位司空贈太尉謚

文忠齊書本傳

始昌筆精源長注今見正書啓二紙述書賦

到撫一作劉  
撫誤

到撫字茂謙彭城武原人也襲爵建昌公宋明帝時為太子洗馬才調流瞻善納

文遊永明中遷五兵尚書齊書本傳

茂謙壯而不密注今見行書兩紙述書賦

顧寶先書品名畫記  
皆作寶光

顧寶先吳郡吳人琛次子大明中為尚書水部郎南史顧琛傳 述書賦  
注云齊司徒左西掾

寶光善書畫歷代名畫記

吳郡顧寶先卓越多奇自以伎能僧虔乃作飛白以示之寶先曰下官今為飛白

屈矣南史王僧虔傳

胡諧之一作  
楷誤

胡諧之豫章南昌人也世祖初為別駕爵關內侯永明十年轉度支尚書贈右將

軍豫州刺史謚曰肅

齊書本傳

寶光諧之同調合韻骨氣胡壯精神顧峻

述書賦

### 張融

張融字思光暢子吳郡吳人也善草書常自美其能齊高帝曰卿書殊有骨力但恨無二王法答曰非恨臣無二王法亦恨二王無臣法為司徒左長史

南史本傳

草書以張融王僧虔為則體用得法意氣有餘

庾元威論書

融書兼眾體於草尤工齊梁之際殆無以過或見其有古風多誤寶之以為張伯

英書

書斷

### 蕭惠基

蕭惠基思話子南蘭陵人善隸書及弈棋解音律官太常贈金紫光祿大夫

南史本傳

### 劉休

書斷誤作張休

劉休字弘明沛郡相人也休多藝能

書斷云善隸書

齊建元四年為豫章內史羊欣重王子敬正隸書世共宗之右軍之體微輕反不復見貴及休始好右軍法因此大行云

南史本傳

### 紀僧真

紀僧真丹陽建康人也事齊高帝以閑書題令答遠近書疏帝令僧真學上手迹



下名上觀之笑曰我亦不能別也封新陽縣男後為廬陵內史

南史本傳

### 紀僧猛

紀僧猛僧真弟為鎮蠻護軍晉熙太守兄弟皆有風姿舉止並善隸書僧猛又能飛白書作飛白賦

南史紀僧真傳

### 劉係宗

劉係宗丹陽人也少便書畫齊高帝使寫諸處分敕令及四方書疏使主書十人書吏二十人配之事皆稱旨永明中魏使書常令係宗題荅祕書局皆隸之鬱林即位除寧朔將軍宣城太守

南史本傳

### 謝朓

謝朓字玄暉陳郡陽夏人也隆昌中為尚書吏部郎善草隸長五言詩好獎人才會稽孔顛粗有才筆未為時知孔珪常令草讓表以示朓朓嗟吟良久手自折簡寫之

南史本傳

慶曆中在金陵有農人以方石鎮肉視之若有鐫刻取石洗濯乃海陵墓謝朓撰并書字畫如鍾繇

沈括夢溪筆談

### 周顒

周顒字彥倫顒七世孫汝南安成人少從外氏車騎將軍臧質家得衛恒散隸書法學之甚工文惠太子使顒書玄圃茅齋壁國子祭酒何肩以倒薤書求就

顥換之顥笑荅曰天下有道丘不與易也轉國子博士

南史本傳

周顥行草品中之下

韋續九品書人論

### 張欣泰

張欣泰字義亨竟陵人也不以武業自居好隸書讀子史東昏以為雍州刺史

南史本傳

張欣泰書品下之下

庾肩吾書品

### 崔偃

崔偃清河東武城人也博涉書記善蟲篆和帝以為寧朔將軍

南史崔慧景傳

### 劉繪

劉繪字士章彭城人聰警有文義善隸書高帝以為錄事典筆翰為大司馬從

事中郎繪撰能書人名自云善飛白

齊書本傳

劉繪書範近來少前

庾肩吾書品

### 劉瑱

劉瑱字士温繪弟也少有行業文藻篆隸丹青並為當世所稱仕齊為義興太

守

南史本傳

### 宗測

宗測字敬微南陽人

見書家傳

宋徵士炳孫也

南齊書本傳

測性善書畫傳其祖業

歷代名畫記

沈麟士

沈麟士字雲禎吳興武康人也元嘉末文帝令何尚之抄撰五經訪舉學士縣以麟士應選少時歸鄉徵並不就遭火燒書數千卷麟士年過八十抄寫火下細書復成二三千卷滿數十篋時人以爲養身靜默所致

南齊書本傳

徐伯珍

徐伯珍字文楚東陽太末人也少孤貧學書無紙常以竹葉箬葉甘蔗及地上

金壺記云以釘畫地

學書禮辟不就建武四年卒

南史本傳

兒珪之

一作兒珪

兒珪之齊末東昏侯時人南齊桐柏山金庭觀碑永元三年沈約撰兒珪之正書

金石略

張大隱

一作士隱

張大隱書品下之上評云張益州參小令之體

李嗣真書後品

士隱行草品下之下

韋續九品書人論

蘭靜文

一作蘭靜

蘭靜文書品下之上評云蘭生正書甚爲鮮緊殊有規則

李嗣真書後品

蘭靜行草品下之下

韋續九品書人論

庾景休



庾景休書品下之中 庾肩吾書品

褚元明

褚元明書品下之中 庾肩吾書品

陸彥遠

陸彥遠齊人行草品中之下 韋續九品書人論

韓蘭英

韓蘭英吳郡人有文辭宋孝武時獻中興賦被賞入宮宋明帝時用以為宮中職僚及武帝以為博士教六宮書學以其年老多識呼為韓公云 南史齊武穆裴后傳

梁

沈約

沈約字休文吳興武康人也篤志好學博通羣籍齊惠文太子居東宮約管書記直永壽省校四部圖書梁受禪封建昌縣侯尋加特進遷中軍將軍丹陽尹

謚曰隱 南史本傳

約作草字亦工下筆超絕 宣和書譜

江淹

江淹字文通濟陽考城人也梁光祿大夫封醴泉侯謚曰憲 南史本傳

江淹墨妙筆精 金壺記

任昉

任昉字彥昇樂安博昌人也小名阿堆梁武帝以為記室參軍專主文翰尋轉  
秘書監自齊永元以來祕閣四部篇章紛雜昉手自讐校由是第目定焉出為  
新安太守追贈太常謚曰敬子

南史本傳

彥昇體雜閑利牽掣任懷

述書賦

徐勉

徐勉字修仁東海郟人也天監六年遷吏部尚書勉既閑尺牘兼善辭令雖文  
案堆積坐客充滿應對如流手不停筆授特進光祿大夫侍中中衛軍贈開府  
儀同三司謚簡肅

南史本傳

到沆

到沆字茂濯彥之之孫彭城武原人幼聰敏五歲時父攜於屏風抄古詩沆請  
教讀一遍便能諷誦及長善屬文工篆隸美風神任昉范雲皆與善終於北中郎  
諮議參軍

南史本傳

陸杲

陸杲字明霞吳郡吳人也少好學工書舅張融有高名杲風韻舉止頗類時稱曰  
無對日下唯舅與甥後為光祿大夫謚質子

南史本傳

陸倕



陸倕字佐公，慧曉子。吳郡吳人也。少勤學，善屬文，所讀一徧必誦。於口嘗借人漢書，失五行志四卷，乃暗寫還之，略無遺脫。累遷太常卿。南史本傳

陸倕行草品下之中。韋續九品書人論

### 蕭子雲

蕭子雲字景喬，齊豫章文獻王嶷之子也。善草隸，為時楷法。自云善效鍾元常，王逸少而微變字體。其書迹雅為武帝所重，帝嘗論書曰：筆力勁駿，心手相應，巧逾杜度，美過崔寔。當與元常並驅爭先，其見賞如此。出為東陽太守，百濟國使人至，建鄴求書，逢子雲為郡維舟，將發使人於渚次候之，望船三十許步，行拜行前。子雲遣問之，荅曰：侍中尺牘之美，遠流海外。今日所求，唯在名迹。子雲乃為停舟三日，書三十紙與之，獲金貨數百萬。性吝，自外荅餉不書，好紙好事者重加賂遺。以要酬荅。太清元年，復為侍中國子祭酒。南史本傳

梁武帝大通元年，於蔣山埋一鼎，文曰：大通真書。又鑄一鼎，書老子五千言，沉之九江中，並蕭子雲書。虞荔鼎錄

子雲善草行小篆，諸體兼備，而初造小篆飛白。武帝言王獻之白而不飛，卿書飛而不白，可掛酌為之子雲，乃以篆文為之，雅合帝意。意

趣飄然。書斷

壁書蕭字子雲飛白，圈卷側掠體法，備焉。歐陽率更云：蕭侍中飛白，輕濃得中，如

蟬翼掩素。唐崔備壁書飛白蕭字記



子雲書筆蹟健瘦縈絲索鐵昔傳子雲作筆而心用胎髮江寧府志云南朝有姓雲作筆蕭子雲常用之筆心用胎髮故

纖細不失廣川書跋

蕭子雲五十二體書一卷唐書藝文志

### 蕭特

蕭特字世達子雲子亦善草隸時人比之衛恒衛瓘武帝常使特書及奏帝曰子

敬之迹不及逸少蕭特之書遂逼於父位太子舍人海鹽令南史蕭子雲傳

簡文帝撰特墓誌云銀鈞之巧重世適雋况此臨池蟬輕露潤梁簡文帝集

### 陶弘景

陶弘景字通明丹楊秣陵人也幼有異操年四五歲恒以荻為筆畫灰中學書陶淵

居本起錄云今猶有先生六歲時書已方幅成就及長讀書萬餘卷善琴棋工草隸本起錄云隸書不類常式別作一象骨體

齊永明十年辭祿止向曲山本起錄云始往茅山便得楊許手書真蹟又到諸處名山並得真人遺蹟十餘卷黃伯思云其在華陽得楊許三真君真蹟最多而學之故蕭遠澹雅若其為

人自號華陽陶隱居人間書札即以隱居代名梁武早與之遊即位後書問不絕

大事諮詢時人謂為山中宰相贈大中大夫謚貞白先生南史本傳

弘景書師鍾王采其氣骨時稱與蕭子雲阮研等各得右軍一體其真書勁利歐

虞往往不如隸行入能書斷

隱居書自奇世傳畫版帖及焦山下瘞鶴銘銘云華陽真逸撰上皇山樵書皆其遺迹東觀餘論

### 阮研

阮研字文幾陳留人官至交州刺史善書行草出於大王甚精熟時稱蕭陶等各得右軍一體而研筋力最優其隸則習鍾公書斷

阮研居今觀古盡窺衆妙之門雖復師王祖鍾終成別構一體庾肩吾書品

傅昭

傅昭字茂遠北地靈州人普通五年為散騎常侍金紫光祿大夫昭終日端居以書記為樂雖老不衰博極古今無所遺失世稱為學府謚曰貞南史本傳

茂遠捷銳足以自給述書賦

傅昭撰書法品目述書賦注

江禕

江禕字彥標述書賦濟陽考城人也幼聰警讀書過口便誦天監中遷光祿大夫謚

肅南史本傳

彥淵氣儒任力注今見行書一紙述書賦

江祿

江祿字彥遐禕之弟幼篤學有文章工書善琴後為唐侯相南史本傳

袁峻

袁峻字孝高陳郡陽夏人早孤篤志好學家貧無書每從人假借必皆抄寫自課日五十紙紙數不登則不止梁武帝時除員外郎散騎侍郎直文德學士省抄史



記漢書各為二十卷 南史本傳

劉孝綽

劉孝綽字孝綽本名冉小字阿士繪子彭城人也幼聰敏七歲能屬文兼善草隸  
自以書似父乃變為別體後為祕書監 南史本傳

王僧孺

王僧孺字僧孺東海郟人也魏衛將軍肅八世孫幼聰慧家貧嘗傭書以養母寫  
畢諷誦亦了工屬文善楷隸轉北中郎諮議參軍 南史本傳

王籍

王籍字文海僧祐之子好學有才氣為詩慕謝靈運後為作唐侯相籍又甚工草  
書筆勢道放蓋孔琳之流亞也 南史本傳

王志

王志字次道琅邪臨沂人祖曇首父僧虔慈之弟也天監九年為散騎常侍金紫  
光祿大夫志善篆隸當時以為楷法齊遊擊將軍徐希秀亦號能書常謂志為書

聖 梁書本傳

王彬

王彬字思文僧虔子也好文章習篆隸與志齊名時人為之語曰三真六草為天  
下寶梁天監中歷吏部尚書祕書監 南史本傳



王騫

王騫字思寂本字立成曇首曾孫騫梁武時為度支尚書給事中贈金紫光祿大

夫謚曰安

南史本傳

神功元年鳳閣侍郎王方慶進遺蹟一卷有五代祖騫書

唐朝敘書錄

王泰

王泰字仲通慈之子也少好學手所抄寫二千餘卷梁天監元年為祕書丞自齊  
永元之末後宮火延燒祕書書圖散亂殆盡泰表校定繕寫高祖從之為吏部尚

書謚夷

梁書本傳

王筠

王筠字元禮一字德柔僧虔之孫也七歲能屬文沈約於郊居宅閣齋請筠為草  
木十詠書之壁簡文即位為太子詹事其自序云余少好抄書老而彌篤雖遇見  
警觀皆即疏記習與性成不覺筆倦幼年讀五經愛左氏春秋凡三過五抄餘經  
及周官儀禮國語爾雅山海經本草並再抄未嘗倩人假手並躬自抄錄大小百  
餘卷

南史本傳

筠尤工行書今御府藏行書至節帖

宣和書譜

王規

王規字威明騫子襲封南昌侯後為太子中庶子領步兵校尉贈光祿大夫謚曰

書家傳三

同文圖書官印

文 南史本傳

王方慶進遺蹟一卷有高祖規書 唐朝敘書錄

柳惲

柳惲字文暢世隆子河東解人也少有志行好學善尺牘再為吳興太守 南史本傳

柳惲書縱橫廓落大意不凡而德體未備 梁武帝評書

紀少瑜

紀少瑜字幼瑒丹陽秣陵人也本姓吳養於紀氏因而命族嘗夢陸倕以一束青

鏤管筆授之云我以此筆猶可用卿自擇其善者其文因此道進少瑜美容貌工

藁草到漑曰此人有大才而無貴仕後除武陵王記室參軍 南史本傳

朱异

朱异字彦和吳郡錢唐人也居貧以傭書自業寫畢便誦涉獵文史兼通雜藝博

弈書算皆其所長沈約戲曰卿年少何乃不廉天下唯有文義棋書卿一時將

去太清二年為中領軍贈尚書右僕射 南史本傳

彦和迅不可及注今見草書一紙 述書賦

徐僧權

徐僧權東海人也梁東宮通事舍人領祕書以善書知名 南史徐伯陽傳

庾黔婁

庾黔婁字子貞一字貞正易之子新野人少好學多所講誦梁散騎侍郎南史本傳

黔婁書品下之上庾肩吾書品

庾肩吾

庾肩吾字慎之八歲能賦詩初為晉安王國常侍王命肩吾等十人抄撰眾籍

豐其果饒號高齋學士歷江州刺史封武康縣侯贈中書令南史本傳

肩吾書品論云余自少迄長留心茲藝敏手謝於臨池銳意同於削板法書要錄

肩吾才華既秀草隸兼善累紀專精徧探名法嘗作書品亦有佳致書斷

殷鈞

殷鈞字季和陳郡長平人仲堪五世孫也好學有思理善隸書為當時楷法梁

武帝時歷祕書丞啓校定祕閣四部書又受詔料檢西省法書古迹列為品日

後為國子祭酒謚貞南史本傳

殷鐵石

殷鐵石梁大同中武帝勅周興嗣撰千字文使鐵石模次羲之之迹云武帝令殷鐵石於大王書中搨

一千字不重者名周興嗣韻之宋史李至傳云武帝得鍾繇書破碑千餘字命周興嗣次韻東坡詩云已將鐵石充逸少公自注云法帖大王書中有殷鐵石字

書記

以賜八王武平一徐氏法

孔敬通

凡... 書家傳三... 同文圖書館印



孔敬通梁大同中東宮學士創反左書又能一筆草書一行一斷婉約流利特出天性頃來莫有繼者庾元威論書

蕭幾

蕭幾字德玄齊曲江公遙欣子也年十歲能屬文好學善草隸書為新安太守

梁書本傳

蕭賁

蕭賁字文奐齊竟陵王子良之孫也見畫家傳能書善畫南史本傳

蕭駿

蕭駿字德款長沙王懿之孫也善草隸工文章位尚書殿中郎起武將軍封南

安侯南史本傳

蕭挹

蕭挹梁尚書殿中郎智藏法師碑普通三年蕭繹撰銘蕭幾作敘挹書世號三

蕭碑其字畫麤麗可佳歐陽修集古錄

蕭挹雖不以書名世其小楷猶有鍾王遺範東觀餘論

顏協

顏協字子和琅邪臨沂人也博涉羣書工於草隸飛白時吳人范懷約能隸書

協學其書殆過真也荆楚碑碣皆協所書湘東王出鎮荊州以為記室南史本傳

范懷約

范懷約吳郡人

迹書賦注梁東宮侍書

能隸書

南史顏協傳

正書宜以殷鈞范懷約為主方正循紀修短合度

庾元威論書

王琛

王琛琅邪人工書梁天監中勅使張率抄乙部書又使撰古婦人事使琛與吳郡

范懷約等寫給後宮

南史張率傳

韋仲

韋仲京兆人善飛白在湘東王府為中兵參軍

南史顏協傳

王融古今雜體六十四書湘東王遣沮陽令韋仲定為九十一種功曹謝善勛增

其九法合成百體書

庾元威論書

謝善勛

謝善勛會稽人能為八體六文方寸千言為湘東王錄事參軍飲酒至數斗醉後

輒張眼大罵時謂之謝方眼

南史顏協傳

庾詵

庾詵字彥寶新野人也幼聰警篤學經史百家無不該綜緯候書射棊弄機巧並

一時之絕普通中詔為黃門侍郎不起謚貞節先生

南史本傳

張孝秀

張孝秀字文逸南陽宛人也徙居尋陽建安王召為別駕去職居東林寺孝秀善談論工隸書凡諸藝能莫不明習普通三年卒南史本傳

劉慧斐

劉慧斐字宣文彭城人也少好學能屬文起家梁安成王法曹行參軍後不仕居東林寺慧斐尤明釋典工篆隸手寫佛經二千餘卷南史本傳

庾元威

庾元威梁人其論書云余經為正階侯書十牒屏風作百體間以采墨當時眾所驚異復於屏風上作雜體篆二十四種太平御覽

王克

王克琅邪人梁尚書僕射今見草書四行述書賦注

王克行草品中之上韋續九品書人論

許璠

許璠梁武帝時人梁檀溪寺禪房碑天監十一年許璠正書金石略

貝義淵

貝義淵梁武帝時人梁侍中司徒始興忠武王碑徐勉文貝義淵書散騎常侍司空安成

康王碑劉孝綽文具義淵書江寧府志

劉靈



劉靈梁武帝時人 梁改隋三淚碑大同十年重立羊祜碑 劉靈正書金石略

程曠平唐人書評作程廣

程曠平書如鴻鵠高飛弄翅頡頏梁武帝評書

李巖之

李巖之書如鏤金素月屈玉自照梁武帝評書

顏倩

顏倩書如貧家果實無妨可愛少乏珍羞梁武帝評書

斛斯彥明

斛斯彥明品下之上評曰斛斯筆勢咸有由來李嗣真書後品

吳休尚

吳休尚書品中之中庾肩吾書品

施方泰

施方泰書品中之中論曰施吳鄴下同年拔萃庾肩吾書品

王崇素

王崇素書品中之下論曰崇素繪靡篇書筆傳於里閭庾肩吾書品

丁規

丁規善隸書時人云丁真永草書斷

梁孝元前在荊州有丁覘者洪亭民爾頗善屬文殊工草隸孝元書記一皆使典之軍府輕賤多未之重恥令子弟以為楷法時云丁君十紙不敵王褒數字孝元嘗遺典籤惠編送文章示蕭祭酒祭酒問曰君王比賜書翰及寫詩筆殊為佳手姓名為誰那得都無聲聞編以實荅子雲歎曰此人後生無比遂不為世所稱亦是奇事於是聞者少復刮目稍仕至尚書儀曹郎未為晉安王侍讀隨王東下及西臺陷沒簡牘湮散丁亦尋卒于揚州前所輕者後思一紙不可得矣顏氏家訓

王僧恕

王僧恕梁人吳延陵季子二碑梁王僧恕書金石略

陳則

陳則梁人草書韻會

滿騫

滿騫富陽人押署如磐石臥虎述書賦

唐懷充

唐懷充述書賦注云晉昌人王羲之破羌帖有唐懷充跋寶章待訪錄

沈熾文 姚懷珍 范肩祖 陳廷祖

沈熾文姚懷珍並武康人范肩祖順陽人陳廷祖長城人述書賦注

梁武帝好圖書天監中勅朱异徐僧權唐懷充姚懷珍沈熾文枅而裝之更加題

檢張懷瓘二王書錄 東觀餘論云魏晉以來法書 梁御府藏之皆是沈熾文等題名於首尾紙縫間

### 楊法象 丁道矜

楊湯法象丁道矜舊刻洛神賦有普通三年正月徐僧權楊法象滿騫丁道矜唐

懷充等題名秦秦家藏舊刻跋

### 孫文韜

道士孫文韜一名韜字文藏會稽郊縣人陶真白弟子也其書初學楊許後學大

王殊有深分有所書九錫碑及舊館壇碑在茅山書史會要

### 陳宣懋

陳宣懋錢塘人茅山華陽宮有陶隱居井歲久湮沒政和初去地三尺許得瓦井

闌雖破合之尚全環刻大字梁天監三年八月十五日錢塘陳宣懋書江寧府志

### 杜道士

杜道士陶先生弟子作隸書假託許慎為名顏氏家訓

### 釋寶誌

釋寶誌者不知何許人傳燈錄云金城人姓朱氏齊宋之交稍顯靈蹟梁武帝尤深敬事俗呼為

誌公好為識記所謂誌公符也天監十三年卒先是遇琅邪王筠與交言歡飲至

亡勅命筠為碑蓋先覺云南史陶弘景傳

南唐元宗保大中伏龜山圯得石函中有銘云天監十四年秋八月葬寶公於是



銘有引曰寶公常為偈大字書於版用帛冪之是時皆莫知其旨云在五百年後  
至卒乃歸其銘同葬焉其字皆小篆體勢完具

吳淞江淮異人錄

僧寶誌文字釋訓三十卷

唐書藝文志

陳

蔡景歷

蔡景歷字茂世濟陽考城人也少俊爽善尺牘工草隸陳武帝素聞其名以書要  
之景歷對使荅書筆不停輟帝得書欽賞後至度支尚書禎明二年重贈侍中中

撫軍將軍謚忠敬

南史本傳

徐陵

徐陵字孝穆東海郟人也封建昌縣侯後主即位遷左光祿大夫太子少傅贈特

進

南史本傳

孝穆善正書

書小史

周弘讓

周弘讓汝南安成人也性簡素博學多通陳天嘉初以白衣領太常卿光祿大夫

南

史本傳

弘讓善隸書寫祭邕勸學篇及古詩以遺文育

南史周文育傳

侯安都

侯安都字成師始興曲江人也工隸書能鼓琴涉獵書傳為五言詩兼善騎射封桂陽郡公除征南大將軍江州刺史

南史本傳

### 趙知禮

趙知禮字齊旦天水隴西人也涉獵文史善隸書高祖引為書記知禮為文膽速每占授軍書下筆便就封始平縣伯領前軍將軍贈侍中諡曰忠

陳書本傳

### 孫瑒

孫瑒字德璉吳郡吳人也博涉經史尤便書翰仕梁累遷巴州刺史既而歸陳為五兵尚書領左軍將軍諡曰桓

南史本傳

### 顧野王

顧野王字希馮吳郡吳人也幼好學長而徧觀經史蟲篆奇字無所不通為黃門侍郎光祿卿贈祕書監右軍將軍撰玉篇三十卷

南史本傳

野王能書畫

歷代名畫記

### 謝嘏

謝嘏字含茂陳郡陽夏人也風神清雅頗善屬文光大元年遷中書令贈侍中諡

光子

陳書本傳

嘏工行草書

書小史

### 庾持

庾持字允德潁川鄆陵人篤志好學尤善書記以才藝聞世祖為吳興太守持掌書翰光大中領步兵校尉贈光祿大夫持善字書屬辭好為奇字陳書本傳

張正見

張正見字見頤清河東武城人也幼好學有清才年十三獻頌簡文深贊賞之高

祖受禪累遷通直散騎侍郎陳書本傳

張正見善行草書書小史

張克見

張克見善行草書史會要

蕭乾

蕭乾字思惕蘭陵人也祖嶷齊豫章文獻王乾容止雅正性恬簡善隸書得叔父

子雲之法世祖授五兵尚書謚靜子陳書本傳

蕭引

蕭引字叔休南蘭陵人善隸書為當時所重高宗常披奏事指引署名曰此字筆

趣翩翩似鳥之欲飛引謝曰此乃陛下假其毛羽耳後主即位為中庶子建康令

陳書本傳

顧越

顧越字允南吳郡鹽官人也徧該經藝工綴文閑尺牘陳廢帝即位拜散騎常侍



中書舍人 南史本傳

陸繕

陸繕字士儒 一作縵 吳郡吳人幼有志尚以雅正知名太建中遷左僕射贈特進謚安

子 南史本傳

繕草字風度飄逸 宣和書譜

沈君理

沈君理字仲倫吳興人也宣帝以君理女為皇太子妃賜爵望蔡縣侯位侍中尚

書右僕射贈開府儀同三司謚貞憲 南史本傳

仲倫書快速馳突尺題已終筆勢仍餘注今見草書一紙 述書賦

沈君理行隸品中之下 草續九品書人論

毛喜

毛喜字伯武棗陽陽武人也少好學善草隸宣帝為驃騎將軍喜領中記室府朝

文翰皆喜辭也封東昌縣侯至德中為南安內史 南史本傳

喜草隸落筆峻激略無滯思奔放超絕 宣和書譜

江總

江總字總持濟陽 一作南 考城人也幼聰敏及長博學有辭采禎明二年進號中權將

軍入隋為上開府 陳書本傳

同文圖書館印

總持作行草為時獨步以詞翰兼妙得名

宣和書譜

蔡凝

蔡凝字子居濟陽考城人美容止及長博涉經傳有文詞尤工草隸陳後主嗣位

為給事黃門侍郎尋遷信威晉熙王府長史

南史本傳

蔡凝行書尤擅一時字畫秀潤可追步晉人

宣和書譜

謝貞

謝貞字元正陳郡陽夏人晉太傅安之九世孫也幼聰敏年十三善左氏春秋工

草隸蟲篆再遷南平王友

南史本傳

鄭仁

鄭仁失其世系官至東宮洗馬善草字慕鍾王法而得其旨喜用秃筆鋒藏韻古

宣和書譜

伏知道

伏知道昌平人陳鎮北長史

述書賦注

知道善草書

書小史

賀朗

賀朗會稽人陳祕書監

述書賦注

朗善行書

書小史

丁初

丁初陳宣帝時人宣帝於大極殿前鑄一鼎文曰忠烈常侍丁初正書虞嘉鼎錄

蔡聖

蔡聖陳人正及草行品中之下韋續九品書人論

王公幹

王公幹陳人見草書韻會

釋洪偃

釋洪偃會稽山陰人善草隸見稱時俗織過芝葉媚極銀鈎釋宣續高僧傳

釋智永

釋智永下黃私記云名法極俗姓王氏會稽人右軍七世孫徽之之後也與兄孝賓俱舍家入道俗號永禪

師常居永欣寺閣上臨書國史異纂云智永於樓上學書業成方下所退筆頭置大竹簾簾受一石餘五簾

皆滿凡三十年於閣上臨得真草千文八百餘本浙東諸寺各施一本何延之蘭亭記

智永住永欣寺人來覓書并請題額者如市所居戶限為穿穴乃用鐵葉裹之謂

為鐵門限又取筆頭瘞之號為退筆塚自製銘誌尚書故實

智永遠祖逸少歷紀專精微尚有道之風半得右軍之內兼能諸體於草最優章

草草書入妙隸書入能書斷

永字八法自崔張鍾王傳授所用該於萬字智永發其旨趣授虞世南翰林禁經



智楷

智楷智永兄

按智永兄孝賓改名惠放此另是一人

亦工草書斷

佩文齋書畫譜卷第二十五

書家傳四

魏

崔宏

崔宏字玄伯清河東武城人祖悅父潛並以才學稱宏少有雋才號冀州神童仕

慕容垂為高陽內史明元時拜天部大人進爵白馬公贈司空謚文貞

北史本傳

宏祖悅與盧謔博藝齊名世不替業故魏初重崔盧之書宏自非朝廷文誥四方

書檄初不妄染故世無遺文尤善草隸為世模楷行狎特盡精巧而不見遺蹟

北史

崔浩傳

崔浩

崔浩字伯源宏子也博覽經史明識天文好觀星變常置金銀銅鋌於酢器中令

青夜有所見即以鋌畫紙作字以紀官至司徒總百揆浩工書人多託寫急就章

從少至老初不憚勞所書蓋以百數浩書體勢及其先人而巧妙不如也世寶其

迹多裁割綴連以為模楷

北史本傳

崔簡

崔簡字仲亮一名覽浩弟好學少以善書知名道武初歷中書侍郎爵五等侯參著作事

北史崔浩傳

崔衡

崔衡字伯玉清河人學崔浩書頗亦類焉天安元年擢為內祕書中散班下詔命及所御覽書多其蹟也後除秦州刺史徙爵齊郡公謚惠

北史崔浩傳

崔光

崔光清河人本名孝伯字長仁孝文賜名焉家貧好學晝耕夜誦傭書以養父母明帝時遷車騎大將軍儀同三司封平恩縣侯光表定石經令國子博士李郁助教韓神固劉燮等勘校殘闕計料石功并字多少欲修補之後寢贈太傅謚文宣

北史本傳

崔高客

崔高客清河人博學善文札美風流景明初拜散騎侍郎出為揚州開府掾帶陳

留太守

魏書裴叔業傳

崔亮

崔亮字敬儒清河東武城人內徙為平齊人居貧傭書自業明帝時至尚書僕射贈儀同三司謚貞烈

北史本傳

張黎

風文齋書畫譜 卷三五 書家傳四 同文圖書館印

張黎鴈門平原人也善書計官太尉北史本傳

谷渾

谷渾字元冲昌黎人也道武時以善隸書為內侍左右太武時累遷侍中儀曹尚

書賜爵濮陽公謚文宣北史本傳

沈含馨

沈含馨魏人洛陽宮殿門題多是大篆皇都遷洛始令中書舍人沈含馨以隸書書

之水經注

盧魯元

盧魯元昌黎徒河人也太武時以工書有文才累遷中書監賜爵襄城公後遷太

保錄尚書事贈襄城王謚曰孝北史本傳

魯元善正隸書書小史

黎廣

黎廣景熙從祖河間鄭人太武時尚書郎善古學常從吏部尚書清河崔宏受字

義又從司徒崔浩學楷篆自是世傳其法北史黎景熙傳

江強

江強字文威陳留濟陽人也上書三十餘法各有體例江式論書表云奉獻五世拜中書

博士卒贈燉煌太守北史江式傳



江式

江式字法安強之孫少專家學篆體尤工洛京宮殿諸門板題皆式書也延昌中表請

撰集古今文字四十卷大體依許氏說文為本上篆下隸正光中兼著作郎贈巴

州刺史北史本傳

江順和

江順和式兄子官征虜將軍亦工篆書北史江式傳

屈恒

屈恒字長生昌黎徒河人也少纂家業尤善書計賜爵濟北公恭宗在東宮領太

子少傅贈征西大將軍謚成公魏書本傳

高遵

高遵字世禮允從弟也渤海蓆人涉歷文史頗有筆札詣長安刊燕宣王廟碑進

爵安昌子孝文時為齊州刺史北史高允傳

盧伯源魏書作盧淵字伯源北史避唐祖諱故稱其字書小史作兩人誤

盧伯源小字陽烏范陽涿人也景明初卒於祕書監贈幽州刺史復本爵固安伯

謚曰懿六世祖謚法鍾繇書子孫傳業伯源習家法代京宮殿皆其所題北史盧玄

傳

崔挺

崔挺字雙根博陵安平人也以工書受勅於長安書文明太后父燕宣王碑爵泰  
昌子為光州刺史風化大行謚曰景北史本傳

游明根

游明根字志遠廣平任人也幼為奴牧羊以漿壺倩人書字路邊書地學之游雅  
贖之教書薦之太武為中書學生獻文時封新泰侯後遷大鴻臚贈光祿大夫謚

靖侯

北史本傳

劉芳

劉芳字伯支

魏書作伯文

彭城叢亭里人篤志文典備書自資常為諸僧傭寫經論筆迹

稱善卷直一縑歲中能入百餘匹芳博聞強記兼覽蒼雅漢世造三字石經於太  
學學者文字不正多往質焉時號劉石經官至太常卿撰急就篇續注音義證三  
卷贈徐州刺史謚文貞侯北史本傳

劉懋

劉懋字仲華芳從子聰敏好學博綜經史善草隸書識奇字官太尉司馬謚宣簡  
北史本傳

郭祚

郭祚字季祐太原晉陽人涉歷經史習崔浩之書尺牘文章見稱於世宣武末年遷  
左僕射贈儀同三司謚文貞北史本傳



祚尤善行書書小史

沈法會

沈法會兖州人能隸書宣武在東宮勅法會侍書北史江式傳

李思穆

李思穆字叔仁父抗自涼州渡江左仕宋思穆有度量善談論工草隸為當時所談太和十七年歸魏爵樂平伯卒於營州刺史贈安東將軍華州刺史北史李延壽敘

傳

柳僧習

按北史柳僧習附見其子柳蚪傳書史會要因誤作蚪今正之

柳僧習河東北史有

人善隸書肅宗時為潁川太守魏書裴叔業傳

夏侯道遷

夏侯道遷譙國人也封濮陽縣侯歷覽書史閑習尺牘歷華瀛二州刺史為政清

嚴贈雍州刺史謚明侯北史本傳

庾道魏書作導

庾道潁川人亦與道遷俱入國歷覽史傳善草隸書後為饒陽縣令北史夏侯道遷

傳

王世弼

王世弼京兆霸城人也善草隸書好愛墳典封慎縣伯再遷中山內史加平北將



軍謚曰康 北史本傳

王由

王由字茂道世弼次子好學有文才尤善草隸書又工摹書 魏書作畫張彥遠名畫記云善書畫 為時人

所服位東萊太守 北史王世弼傳

蔣少游

蔣少游樂安博昌人也寄平城以傭書為業後召為中書寫書生至太常少卿贈

龍驤將軍青州刺史謚曰質 北史本傳

少游敏慧機巧工書畫 歷代名畫記

李苗

李苗字子宣梓潼涪人孝昌中兼尚書左丞贈儀同三司河陽縣侯謚忠烈苗解

鼓琴好文詠尺牘之敏當世罕及 魏書本傳

曹世表

曹世表字景昇 一作升 東魏郡魏人性雅正工尺牘涉獵羣書孝昌中為東南道行臺

贈齊州刺史 北史本傳

裴敬憲

裴敬憲字孝虔河東聞喜人學博才清工隸草解音律五言之作獨擅於時贈中

書侍郎謚曰文 北史本傳

呂溫

呂溫字晦陽本東平壽張人其先石勒時徙居幽州善書有文武才略位上黨太守有能名贈豫州刺史野王侯謚曰敬

北史呂羅漢傳

沈嵩

沈嵩文秀族子吳興武康人聰敏有筆札文秀以為司馬後依宋王劉昶

魏書沈文秀

傳

嵩善行書

書小史

竇遵

竇遵瑾少子頓丘衛國人善楷篆北京諸碑及臺殿樓觀宮門題署多遵書位至

濮陽太守後以善書拜庫部令

北史竇瑾傳

柳楷

柳楷字士則

魏書作孝則

河東解人也善草書頗涉文史位撫軍司馬

北史柳崇傳

孫伯禮

孫伯禮惠蔚子武邑武遂人也善隸書位國子博士

北史孫惠蔚傳

劉仁之

劉仁之字山靜河南洛陽人少有操尚粗涉書史真草書迹頗號工便除衛將軍

西兗州刺史謚曰敬仁之性好文字吏書失體便加鞭撻

魏書本傳

宇文忠之

宇文忠之河南洛陽人也獵涉文史頗有筆札天平初除中書侍郎武定初為安

南將軍尚書右丞魏書本傳

忠之尤善行草書小史

沈馥

沈馥魏宣武時人後魏定鼎碑景明三年沈馥正書一名御射碑金石略

李思弼

李思弼魏人見草書韻會

釋摩羅

釋摩羅西域烏陽國人聰慧利根學窮釋氏至中國即曉魏言隸書凡所聞見無

不通解洛陽伽藍記

釋菩提流支

釋菩提流支天竺國沙門也解佛義知名西土號為羅漢曉魏言及隸書翻十地

楞伽及諸經論流支讀比丘曇謨最大乘義章彈指讚歎即為胡書寫之傳於西

域洛陽伽藍記

李氏

高慎妻李氏趙郡李徽伯女也豔且慧兼善書記工騎乘北史高乾傳



李彪女

李彪女幼而聰令彪教之書學讀誦經傳後宣武聞其名名為婕妤在宮嘗教帝妹書誦授經史後宮咸師宗之

北史李彪傳

北齊

杜弼

杜弼字輔玄中山曲陽人也長於筆札為時輩所推神武破芒山軍命為露布弼手即書絹曾不起草為膠州刺史贈驃騎大將軍謚文肅

北史本傳

李鉉

李鉉字寶鼎渤海南皮人也九歲入學書急就篇月餘便通齊神武妙簡碩學以教諸子與工書人韓毅等同在東館鉉以文字多乖謬遂覽說文倉雅刪正謬字名曰字辯特贈廷尉少卿

北史本傳

張景仁

張景仁濟北人工草隸選補內書生與魏郡姚元標潁川韓毅同郡表買奴滎陽李超等齊名後主愛之呼為博士除中書監贈侍中司空公景仁為兒時詣國學摹石經許子華遇之執手曰張郎風骨非但官爵遷達乃與天子同筆硯後如子

華所言

北史本傳

姚元標

姚元標張景仁傳云魏郡人官至左光祿大夫以工書知名於時北史崔浩傳

韓毅

韓毅魯郡川人以工書顯高祖置之第館教授諸子北齊書高祖本紀

袁買奴 李超

袁買奴濟北人李超滎陽人見上張景仁傳

李繪

李繪字敬文趙郡平棘人六歲便求入學家人以偶年拘忌不許遂竊其姊筆牘用之未踰晦朔遂通急就章天保初除司徒右長史謚曰景北史李渾傳

趙彥深

趙隱字彥深自云南陽宛人後為平原人避齊廟諱以字行性聰敏善書計初為尚書令司馬子如賤客供寫書子如善其無誤用為書令史補大丞相功曹參軍文翰多出其手號為敏給後封宜陽王武平四年轉司徒北齊書本傳

劉逖

劉逖字子長彭城叢亭里人也少而聰敏專精讀書頗工詩詠世祖時拜儀同三司後除散騎常侍北齊書本傳

劉逖行草品下之下韋續九品書人論

崔季舒

崔季舒字叔正博陵安平人性明敏涉獵經史長於尺牘為左光祿大夫周武帝滅齊優贈開府儀同大將軍定州刺史北史本傳

蕭慨

蕭慨梁武帝弟鄱陽王恢之子也慨好學善草隸書卒於司徒從事中郎北齊書蕭

退傳

源楷

源楷字彤延西平樂都人有器幹善草隸書官至假儀同三司北齊書源彪傳

賈德胄

賈德胄博陵人教樂陵王百年書北史齊孝昭諸子傳

顏之推

顏之推字介琅邪臨沂人也聰穎機悟博識有才辯工尺牘兼善於文字北齊書監校繕

寫處事勤敏除黃門侍郎周大象時為御史上士隋開皇中太子召為文學北齊書

本傳

顏之推注急就章一卷又筆墨法一卷唐書藝文志

劉珉

劉珉字仲寶彭城人北齊三公郎中唐書宰相世系表作北齊睢陽太守今見草書十二紙述書賦注

珉喜草隸遠追羲之頗得其法草書益勝宣和書譜



劉玄平

劉玄平珉之子高蹈不仕隋贈貞範先生善行草書書小史

李元護

李元護遼東襄平人少有武力仕齊位馮翊太守頗覽文史習於尺牘書小史

元行恭

元行恭河南洛陽人美姿貌兼俊才善正行書位中書舍人待詔文林館書小史

殷英童

殷英童善楷隸書兼工畫書小史

姚淑

姚淑孝昭時人北齊崇因寺碑皇建二年姚淑八分書金石略

王思誠

王思誠後主時人北齊蒙山碑天統五年王思誠八分書金石略

釋仙

釋仙文宣時人摩崖報德碑天保六年釋仙書金石表

釋道常

釋道常武成時人北齊關亮造像記河清元年比丘道常書金石錄

魏夫人

魏夫人北齊人正行品下之下

韋續九品書人論

周

冀儁

冀儁字僧儁太原陽邑人也性沈謹善隸書特工模寫周文引為記室乃令偽為魏帝勅書與費也頭儁尋舊勅模寫及代舍人主書等署與真無異費也頭見勅不以為疑敎明帝及宋獻公等隸書時俗入書學者亦行束修之禮謂之謝章儁以書字所興起自倉頡若同常俗未為合禮遂啓周文釋奠倉頡及先聖先師尋加開府儀同三司爵樂昌侯

北史本傳

趙文深

本作文淵  
避唐諱也

趙文深字德本南陽宛人也少學楷隸年十一獻書於魏帝雅有鍾王之則筆勢可觀當時碑牘唯文深冀儁而已周文帝以隸書紕繆命與黎季明沈遐等依說文及字林刊定六體成萬餘言及王褒入關貴遊翕然並學褒書文深亦改習褒書然竟無成至於碑牘王褒亦每推先之明帝令至江陵書影覆寺碑漢南人士亦以為工梁王蕭譽觀而美之賞遺甚厚天和元年露寢等初成文深以題牘之功除趙興郡守文深雖居外任每須題牘輒復追之

北史本傳

後周天和二年修西嶽碑趙文淵隸書當南北分爭之時即此文章字畫足以見

其景象

盛時泰玄贖記

黎景熙

黎景熙字季明河間鄭人從祖廣善古學家傳其法季明亦傳習之頗與許氏有異周文徵之令正定古今文字於東閣天和二年進車騎大將軍儀同三司北史本傳

沈遐

沈遐

與趙文深黎景熙同時

周文帝以隸書紕繆命文深與黎景明沈遐等依說文及字林刊

定六體

北史趙文深傳

泉元禮

泉元禮上洛豐陽人也少有志氣頗閑草隸有士君子之風爵臨洮縣伯襲洛州

刺史

北史泉企傳

王褒

王褒字子深

周書作子淵

琅邪臨沂人七歲能屬文外祖袁昂愛之蕭子雲褒之姑夫也

特善草隸褒少去來其家遂相模範名亞子雲梁元帝降褒至長安為少司空尋

為宣州刺史

北史本傳

王褒入關以書工崎嶇碑碣之間辛苦筆硯之役嘗悔恨曰假使吾不知書可不

至今日邪

顏氏家訓

庾信



庾信字子山南陽新野人父肩吾梁散騎常侍中書令信為抄撰學士梁元帝時聘西魏遂留長安周孝閔帝踐阼進爵義城縣侯拜洛州刺史北史本傳

庾信善行書書小史

庾信行及草品中之中韋續九品書人論

蕭撝

蕭撝字智遐梁武帝弟安成王秀之子也周武帝時歷少保少傅改封蔡陽郡公

謚曰襄撝善草隸書名亞王褒北史本傳

薛温

薛温字尼卿道衡兄河東汾陰人也博覽墳典尤善隸書仕周至燕都太守宣政

元年賜爵齊安縣子北史薛道衡傳

薛慎

薛慎字伯護淮東汾陰人好學能屬文善草書封淮南縣子保定初出為湖州刺

史尋為蕃部中大夫北史本傳

柳弘書史會要作闕弘誤

柳弘字匡道河東解人少聰穎工草隸博涉羣書辭采雅贍與楊素為莫逆交為

御正下大夫贈晉州刺史北史本傳

裴漢

裴漢字仲霄河東聞喜人聰敏好學善尺牘天和五年加車騎大將軍儀同三司  
借人異書必躬自錄本疾疾彌年未嘗釋卷贈青州刺史北史裴寬傳

單于斯彥

單于斯彥周人行草品下之下草續九品書人論

隋

楊素字處道弘農

司徒改封楚公

好學善屬文工草隸書隋受禪加上柱國大業二年拜

虞

曰景武北史本傳

虞世基

世基字懋世會稽餘姚人也博學有高才兼善草隸陳滅入隋貧無產業每備

書養親煬帝時進位金紫光祿大夫北史本傳

虞綽

虞綽字士裕會稽餘姚人也有俊才尤工草隸大業初為祕書學士以度遼功授

建節尉北史本傳

虞綽行草品下之下草續九品書人論

盧昌衡

盧昌衡字子均小字龍子范陽涿郡人沈靖有才識博涉經史工草行書隋大業

中徵為太子左庶子 北史本傳

薛道衡

薛道衡字玄卿河東汾陰人六歲而孤專精好學才名益著煬帝時終司隸大夫

北史本傳

道衡未聞以善書稱觀其和南正書一帖亦非泯泯眾人之筆 宣和書譜

隋爾朱敞碑開皇五年薛道衡書 朱長文墨池編

趙孝逸

趙孝逸湯陰人隋四門助教趙文深師右軍孝逸效大令甚有功業當平涼之後

王褒入國舉朝貴胄皆師於褒唯此二人獨負二王之法臨二王之迹人間往往

為貨 述書賦注

趙仲將

趙仲將彥深子平原人博涉羣書學草隸雖與弟書書字楷正云草不可不解若

施之於人即似相輕易若當家畧幼又恐其謂所在宜爾是以必須隸筆隋開皇

中位吏部郎終於安州刺史 北齊書趙彥深傳

劉顥

劉顥字君卿逃從子彭城叢亭里人也好文學工草書風儀甚美隋開皇中為鄜州

司馬 北齊書劉逃傳



房彥謙

房彥謙隋書云字孝冲清河東武城人也大業中為涇陽令善草隸人有得其尺牘者皆寶

翫之貞觀中以子玄齡贈徐州都督臨淄縣公謚定伯

北史本傳

蔡徵

蔡徵字希祥濟陽考城人陳中書令陳亡入長安久之除太常丞歷尚書戶部儀

曹郎轉給事郎

南史本傳

蔡徵草書筆力遒勁頗合規模

宣和書譜

袁憲

袁憲字德章陳郡陽夏人幼聰敏好學後主時為尚書僕射入隋授昌州刺史謚

曰簡

陳書本傳

袁憲善草書

書小史

閻毗

閻毗河陰人隋書云榆林盛樂人頗好經史能篆書草隸尤善為當時之妙文帝受禪以技藝

侍東宮煬帝時拜朝請大夫又領將作少監贈殿內監

北史本傳

蔡君知

蔡君知濟陽考城人邕十四代孫隋蜀王府記室能楷隸為時所重

蔡希綜法書論

寶慶

竇慶扶風平陵人榮定次子襲封陳公有姿容頗工草隸大業末為南郡太守北史竇榮定傳

竇璉

竇璉慶弟亦工草隸位至扶風太守北史竇榮定傳

殷胄

殷胄江南士人工草隸隋書楊素傳

丁道護

丁道護官至襄州祭酒從事善正書書小史

道護書兼後魏遺法隋唐之交善書者眾皆出一法道護所得最多蔡襄忠惠公集  
道護書襄陽啓法興國寺碑最精歐虞之所自出北方多樸而有隸體聖池環錄

丁道真

丁道真善草書史會要

史陵

史陵善正書筆法精妙不減歐虞書小史

太宗與漢王元昌褚僕射遂良等皆受之於史陵褚首師虞後又學史乃謂陵曰此法更不可教人是其妙處也李嗣真書後品序

梁恭之

梁恭之開府中兵參軍盛工篆隸孝子郭巨墓碑文

老子廟碑開皇三年薛道衡撰梁恭之八分金石錄

老子廟碑道衡文體卑弱余所取者特其字畫近古故錄之集古錄

龐夔

龐夔書史會要作曾父誤興福寺碑開皇二年龐夔書金石略

韋霈

韋霈隋文帝時人廣業郡守鄭君碑開皇九年韋霈正書金石略

杜頽

杜頽南陽人開皇中搜訪異書名天下工書之士京兆韋霈南陽杜頽等於秘書

內補續殘缺為正副二本藏於宮中其餘以實祕書內外之閣隋書藝文志

到曼才一作劉曼才一作到憲才並誤

到曼才隋文帝時人益州至貞觀碑開皇十二年到曼才正書金石錄

侯孝真一作直

侯孝真隋煬帝時人樂州使君江夏徐公碑大業二年侯孝真八分書金石略

魏瑗

魏瑗隋煬帝時人姑蘇上方寺舍利塔銘魏瑗書墨池編

賀混



賀混隋人行草品下之中 韋續九品書人論

吳少常

吳少常書遺教經 豐道生評書

釋智果

釋智果會稽人也居永興寺煬帝甚喜之工書銘石常謂永師云和尚得右軍肉

智果得右軍骨果隸行草皆入能 書斷

智果書合處不減古人然時有僧氣 墨池瑣錄

釋述 釋特

釋述釋特與果並師智永述困於肥鈍特傷於瘦怯 書斷

釋敬脫

釋敬脫善正書能用大筆寫方文字 金壺記云人有求者唯止二字天然道勁不加修飾當時謂之僧

傑 書小史

釋知苑

釋知苑幽州沙門精練有學識隋大業中於西山鑿巖為石室摩四壁以寫經又取方石別更摩寫藏諸室內所造石經滿七室焉 冥報記

佩文齋書畫譜卷第二十五

C. T. LOO & CO.  
41 EAST 57th STREET  
NEW YORK, N. Y.

NO. 573

HGT.

LENG.

何  
之  
外  
言

三

三





